



~ 16
2693
20




 西宮槃銘
 文跋尾續卷第一

潛研堂金石文跋尾續卷第一

利

嘉定錢大昕

周

西宮槃銘

右西宮槃銘凡一十九行行十九字第十八行十八字末行十
 字共三百五十字詞甚奇古似紀田獵之事西宮襄字凡三見
 似是人姓名周有南宮氏北宮氏則亦當有西宮氏何氏姓苑
 有西宮氏或卽襄之苗裔乎亾友吳山夫撰金石存以文有惟
 王九月辰在乙卯字題爲乙卯鼎今此器尙存廣陵人家乃銅
 槃非鼎也子改題爲西宮槃云

卯敦銘

右卯敦銘文十二行百四十九字首云惟王十有一月旣生霸
 又云卯立中阼其伯乎卽呼字令卯末云卯其萬年子子孫孫永

實用文字奇古不能盡述大約述其先祖考之勛令卯嗣厥職錫以奠器土田之詞其云拜手稽首即稽首春秋曹公子首二傳或作手聲同假借也

漢

漢中太守鄩君開褒余道碑 永平六年

右漢中太守鄩君開褒余道碑歐趙洪三家俱未著錄宋紹熙末南鄭令臨淄晏袤始得之為文記其事然其地崖壁斗峻落蘇阻深自晏令作記後六百餘年罕有津逮而摹搨者今巡撫畢公撰關中金石記乃搜訪而錄之文字古朴東京分隸傳於今者以此為最先焉鄩本晉邑以邑為氏廣韻漢有鄩熙為東海太守此碑所載鄩君惜未詳其名字也

三公山碑 初四年

右三公山碑在元氏縣首云口初四年常山相隴西馮君到官按後漢諸帝紀元有建初永初元初本初此碑初一缺一字趙晉齋以為永初翁覃溪以為元初疑未敢質也洪氏隸釋所載三公山碑立于光和四年者為隸書今已不存此碑乃是篆體又在光和之前而金石家無知之者始歎古迹顯晦亦有時也漢儒說禹貢者分導山為三條太行恆山北條山也三公白石諸山皆恆山南之支峯故白石神君碑云居九山之數參三條之壹此碑亦有三條別神迴在領西之語趙明誠跋白石神君碑不曉三條為何語洪文惠始引禹貢正義實之參以此碑益信洪氏之不謬覃溪不信洪說疑三條別有實事似不然矣

燉煌長史武斑碑 建和元年

右燉煌長史武斑碑歐公集錄金石時已稱其文殘滅不復成

文近代金石家亦未有著於錄者頃錢唐何元錫夢華游山左歸訪子吳門出搨本見詒雖曼漶已甚猶有可辨識者碑陰有武氏碑三字頗近六朝人筆法歐趙諸公所未見也碑云昔殷王武丁久伐鬼方元功章炳官族分析因以爲氏而應劭風俗通以爲宋武公之後則漢人述武姓所自己已有異詞至唐武后竊位自言周平王少子武之後因追尊周文王爲始祖文皇帝武爲睿祖康皇帝然廣韻武字姓祇取應氏說廣韻本於唐韻則孫愐亦以武后爲誣妄而不之信矣春秋時周有武氏子來求賻此武氏之見於經傳者而姓氏書惟舉趙武臣爲始亦弗深攷也

司隸校尉楊孟文石門頌

建和二年中冬

右司隸校尉楊孟文石門頌文云高祖受命興於漢中建定帝

位以漢詆焉詆卽氏字謂高帝興於漢中故定有天下之號曰漢猶陶唐氏有虞氏之例也洪文惠讀詆爲抵失其義矣槍礪猶言槍唐古文唐爲陽碑又變爲礪其義一也股躬疑卽股肱字垓鬲義與閔隔同

司隸校尉楊淮碑

熹平二年二月

右司隸校尉楊淮碑洪氏隸續具載其文惟御史中丞下闕一字頃陝西巡撫畢公拓此碑見贈審視之乃是三字可補洪書之闕孟文伯邳祖孫皆爲司隸校尉故稱大司隸以別之伯邳官終河南尹而首題司隸校尉與魯峻碑同例京尹雖列九卿其權任之重遠不逮司隸故也伯邳穎伯俱稱孟文之元孫元雖訓始訓首訓長然亦兼有大與善義書稱武王爲元孫武王之兄尙有伯邑考則元孫不必長孫矣碑稱追述勒銘而不作

韻語與韓仁銘同例古人製銘或韻或不韻初無定準禮記所載衛孔悝鼎銘未嘗有韻也

仙人唐公房碑

右仙人唐公房碑文有云厲蠱不遐去其螟蟻皆用詩語大雅思齊篇烈假不瑕鄭讀烈假爲厲瘕皆訓爲病蠱假聲相近知厲蠱卽詩之烈假矣瑕遐古書亦多通用釋文瑕音遐遠也後儒譏康成解經好改字碑立于東漢之世其時鄭學未行而闇與之合可證康成所改皆本經師相承之訓非若後人之師心妄作也

武梁石室畫象

右武梁石室畫象婁機云在濟州宋以後碑石湮沒久失所在好事家得宋拓本輒詭爲希世之珍乾隆丙午錢唐黃易小松始于嘉祥縣南卅里紫雲山得之嘉祥本析鉅野置宋時故屬濟州也今土人名爲武宅山蓋以石室得名其石裂而爲五以洪氏隸釋隸續證之文字大略相同惟榆母之前洪云缺一人名者今驗石刻有榆口親年老氣力稍衰答之口瘳心懷楚十有六字而上下尙有缺文蓋圖伯俞事以榆爲俞也錢唐何夢華云榆上一字尙存木旁當是柏字漢書古今人表多以柏爲伯也范且之後又有魏須賈一人賈字雖泐其上半猶可識戰國秦漢人多以且爲名讀子余切如穰且豫且夏無且龍且皆是且旁或加佳如范睢唐睢文殊而音不殊也胡身之注通鑑輒音范睢之睢爲睢是誤切爲目旁矣據此碑可正胡注之誤

武氏左石室畫象

右武氏左石室畫象乾隆己酉秋濟寧李東琪等營治武氏祠

復於土中得之上下二列上爲顏淑留乞宿婦事次信陵君迎
侯羸事次王陵母事下爲范贖求代兄罪事各題四言韻語
古質可誦趙洪諸家皆未之見也顏叔子事見詩巷伯傳此碑
叔作淑無子字彼云蒸盡縮屋而繼之碑則云未明蒸盡縮
芴續之芴卽芴字謂屋芴也周禮秋官柞氏鄭司農讀爲屋芴之
芴說文芴迫也在瓦之下芴上何休注公羊云禮取毀廟室芴
以爲灰者炊沐則芴可爲薪矣縮與縮通縮之言抽抽屋芴以
當蒸燭二文相須其義乃備范贖代兄與邢渠哺父後世鮮知
之者賴石刻以傳古人搜訪金石文字有益於風教如此豈僅
爲博物之助已哉

孔子見老子畫象

右孔子見老子畫象一旁有標題三曰老子曰孔子也曰孔子

車洪氏隸續嘗載之而未詳碑石所在乾隆丙午冬錢唐黃易
得此石於嘉祥之武宅山始知爲武氏石室象之一今移於濟
寧州學

又

右孔子見老子畫象二旁有標題三曰孔子曰老子曰弟子其
圖象位置與武氏石室本各異本在寶應縣之平家莊卽古射
陽縣地錢唐吳孝廉春澗知縣事爲予訪得之漢人墓道多立
石闕刻聖賢象如趙岐魯峻李剛武梁皆然此石亦必墓前物
而志乘未之及鄉人或指爲伯夷叔齊象由未見其題識而以
意度之爾今爲江都汪容甫取去

天祿辟邪字

右天祿辟邪字在南陽縣宗資墓前石獸膊上左爲辟邪右爲

潘石堂金石考卷第一
天祿皆獸名也石獸今已損壞字亦摩滅後人取汝帖舊文重
摸於石點畫雖似然乏淳古之趣

魏

潘宗伯韓仲元造橋格題字 太和六年五月

右潘宗伯韓仲元造橋格題字在褒城縣之石門支稱泰和六
年晏袤以史證之斷爲魏明帝年號但史作太和而石刻作泰
泰太本一字古今文異爾予邑南翔寺石幢書太平興國號亦
作泰

廬江太守范式碑 青龍三年正月

右廬江太守范式碑今存十二行每行十五六字少者厘五六
字以洪氏隸釋校之文字無異惟錫邑命族之下洪云闕一字
今驗石本是實字洪所見係全本今碑石中斷失其下半後文
及銘詞十餘行則全失之矣碑額十二篆字獨完好額既不題
漢字而文有青龍三年正月丙戌故洪氏列於魏碑今雖不見
青龍字而洪說必可信不敢輒有更易也

碑陰

右碑陰題名四列并三十餘人皆字而不名洪氏隸續第十二
卷誤指爲魯峻碑陰今此刻現在范式碑之背面而魯峻自有
碑陰其列名者則故吏河內管懿等四人門生沛國丁直等卅
七人義士梁國史強一人與此全不相涉且峻碑旣未嘗斷何
緣其陰獨斷此又理之必不然者洪氏生於南宋之世疆宇隔
越無由得至碑所僅據藏碑者無稽之談故有此失耳然洪所
見題名今又失其前大半益令愀然增懷古之思矣巨卿爲山
陽人此題名諸人雖不著郡縣然如郗如魯如范皆山陽望族

則其餘亦必山陽人可知

盪寇將軍李苞開閣道碑 景元四年十二月

右盪寇將軍李苞開閣道碑在潘宗伯題字之後距太和壬子蓋三十一年其年十一月蜀漢亾故有閣道之役也盪寇蓋漢魏所置雜號將軍之一沈約宋書作蕩寇張遼滿寵關羽蔣欽皆嘗爲之晏袤碑陰記但舉蜀張嶷一人所謂知其一未知其二也

吳

禪國山碑 天璽元年

右禪國山碑吳志天璽元年吳興陽羨山有空石長十餘丈名曰石室在所表爲人瑞乃遣兼司徒董朝兼太常周處至陽羨縣封禪國山卽此事也碑稱大司空朝不云司徒又無周處名

承祚所書得諸傳聞不如碑之可信矣其云國史瑩覈者左國史薛瑩右國史華覈也吳志華覈傳天冊元年以微譴免數歲卒據碑所書則覈免官之後不久仍復故職也史能之感淳毗陵志國山在宜興縣西南五十里延袤三十五里高百二十五仞一名離墨山舊傳鍾離墨得道於此吳五鳳二年陽羨離墨山大石自立天璽元年陽羨山有石裂十餘丈名曰石室皓以爲天瑞遣司徒董朝等行封禪禮園碑猶存其形如鼓俗呼圓碑碑下字漫滅不可讀或稱董山以朝至此故名

巖山紀功碑 天璽元年

右巖山紀功碑文云泰月己酉朔是歲卽晉武帝咸寧二年晉初承用魏景初術吳用乾象術朔閏往往參錯而七月之己酉朔則吳晉不異也北史齊上黨王渙傳初術士言亾高者黑衣

文宣問左右曰何物最黑對曰莫過漆帝以渙第七爲當之此碑亦借漆爲七王莽候鉅銘亦云重五十漆斤則二文相通久矣考工記史記貨殖傳漆字皆無水旁惟漆沮之漆乃从水然經典多通用張參五經文字計字數皆用壹貳參肆等字而七作漆今世俗通用柒卽漆之艸書真艸各自一家不可變艸作真如盡爲尽興爲具皆艸書減省而里俗用之宋時閩中麻沙板本往往有此等字此亦六書之厄也

葛府君碑額

右碑額三行云吳故衡陽郡太守葛府君之碑楷書徑三寸許在句容縣衡陽孫吳所置郡漢世稱郡國守相爲府君魏晉猶然予收藏孫吳石刻如谷朗及此碑皆以太守故得府君之稱非若後人之泛用也不

梁

井闌文

天監十五年

右井闌文凡七行其文云梁天監十五年太歲丙申皇帝愍商□之渴乏乃詔茅山道士□□永若作亭及井十五日在句容縣前人著錄未有及之者乙巳春陽湖孫秀才季仇省親句容學齋得以遺子陶隱居舊館壇碑向在茅山玉晨觀國初前輩猶有見之者予七年前與季仇入山宿觀中徧尋不獲此刻雖漸曼患却亦是蕭梁時物所謂買王得羊也

後魏

兗州賈使君碑

右兗州賈使君碑文殘闕失立碑之歲月趙明誠云在神龜二年四月今不可攷矣碑云思伯字士休而魏書北史作仕休當

從石刻其書休爲然與司馬元興墓誌同晉人艸書休下多一畫亦以此碑云晉太師賈他之後卽賈佗也又云九世祖曰魏青龍中爲幽州刺史按唐書宰相世系表賈詡魏太尉肅侯生璣駙馬都尉關內侯又徙長樂此碑九世祖下似是璣字又有因忠喪亾之語官位亦與唐表不合未審其是否也

石門銘

永平二年四月

右石門銘蓋述龍驤將軍梁秦二州刺史泰山羊祉開通石門之功魏書宣武紀正始四年九月甲子開斜谷舊道卽其事也碑云起四年十月十日至永平二年正月畢功而史書於四年九月者據奉詔之日言之耳北史羊祉傳不書開斜谷道事此史文之闕漏當據石刻補之碑云皇魏正始元年漢中獻地卽梁天監三年也是歲夏侯道遷背梁歸魏梁史書魏陷梁州于

二月當得其實魏收史書於閏十二月温公通鑑據長歷梁置閏在次年正月後遂移於後一年非也

涇州刺史齊郡王祐造像記

熙平二年七月

右涇州刺史齊郡王祐造像記文稱體蔭宸儀天縱淑茂蓋魏文成帝之孫齊郡王簡之子也北史作祐蓋傳刻之譌其官征虜將軍亦史所失載濟疑卽濟字

北齊

陽阿故縣村造石像記

河清二年五月

右陽阿故縣村造石像記文云大齊河清二年歲次癸未五月甲午朔十日戊寅陽阿故縣村合邑長幼等敬造石像一軀具相嚴麗藉此功福上爲皇帝曰僧七世父母因緣眷屬遵地四生咸盡正曰攷通鑑目錄是歲五月甲子朔戊寅爲月

之十五日則兮卽子字也豈卽登字邊从身从彳或云邊之俗未審然否次从二當作兩點而誤作三點則爲涎液之次矣記本正書雜以篆體日作日與武后所製同陽阿漢縣名屬上黨郡廢於魏晉間而村猶有故縣之名今爲澤州鳳臺縣地

造丈八大像頌 天統三年五月

右造丈八大像頌文稱大齊天統三年歲在丁亥黃氏中州金石攷以爲天統五年者誤其訟曰訟卽頌字說文訟爭也一日誦訟徐氏謂古本毛詩雅頌字多作訟史記呂后本紀未敢訟言誅之漢書作誦是訟頌誦三文互通矣頌本容兒之容音與融近故武梁碑亦書祝融爲祝誦也其書脩作濟像作像師作師捨作捨無作魚岡作嶼央作央皆魏齊間俗字

育

胡叔和造石像記 仁壽二年十一月

右胡叔和造石像記在澤州鳳臺縣北村興龍寺文云大隋仁壽二年歲次壬戌次作次與北齊河清二年石像記同佛像旁刻施主男婦姓名中有胡煞鬼一人攷北齊史叱列平字殺鬼當時人名字多如此維那之那作靺亦別體字此與河清造像記皆鉅野姚半塘所詒金石家未有著錄者

左屯衛大將軍姚辯墓志 大業七年十月

右左屯衛大將軍姚辯墓志此信本小楷之有名者銘詞執恭履下脫一字方陪紀岳遽佳城遽下脫一字而刻有祀掩兩字謂紀岳之紀當作祀而遽下脫掩字也此刻文字完好而詞意間有不屬又多譌脫如克著奇功克誤作充校尉之井旣枯將之泉又竭將字上下當有脫字右光大夫光下脫祿字蓋元石

已亾後人據搨本鈎摹入石而芟棄其殘闕曼患者故爾褚登善聖教序立於永徽中刻字者爲萬文韶此志刻於隋大業中已出文韶之手一技之微擅名兩朝亦足稱也清時石刻書隋字多不從是吳曾能改齋漫錄謂古無隋字隋文受禪以魏周齊不遑寧處惡之遂去走單書隋字王伯厚亦謂隋文改隨爲隋然此刻却用隨字

潛研堂金石文跋尾續卷第二

利

嘉定錢大昕

唐

寶室寺鐘銘 貞觀三年

右寶室寺鐘銘文云以大唐貞觀三年攝提在歲蕤賓御律景丁統日巳巳司辰用銅三千斤鑄鐘一口攷温公通鑑目錄是歲屠維赤奮若此云攝提差校一年未審其義蕤賓者五月之律月令仲夏其日丙丁故有景丁統日之語巳巳則鑄鐘之日也說文鄜左馮翊縣从邑廡聲史記漢書皆作鄜蓋从廡之省此刻正作鄜與說文合周隋設勳官有上大將軍上開府儀同三司上儀同之名唐武德七年定勳官十二等上大將軍正三品貞觀十一年改爲上護軍此刻有上大將軍張神安名其時猶未改稱也悠悠作悠悠宅碑所未有

等慈寺碑

右等慈寺碑今在汜水縣太宗破竇建德之所其文有云愍疏屬之罪方滯迷塗念刑天之魂久淪長夜按陶淵明讀山海經詩有形天無千歲句宋曾紘周紫芝輩據山海經證爲刑天舞干戚之譌其說固然今碑文却作天字疑唐以前山經本作刑天後人轉寫譌爲天耳形與刑古人亦通用然則淵明形天二字非誤矣其云靈靈恆沙卽靈臺之異文

九成宮醴泉銘

貞觀六年四月

右九成宮醴泉銘祕書監檢校侍中鉅鹿郡公魏徵撰兼太子率更令渤海男歐陽詢書文貞列銜碑文之前信本列銜碑文之後率更庶僚不敢與宰相並也予初疑信本只爲率更令不兼他職何故冠以兼字後讀舊唐書職官志稱武德令職事解散官欠一階不至爲兼職事卑者不解散官貞觀令以職事高者爲守職事卑者爲行仍各帶散位其欠一階依舊爲兼與當階者皆解散官其欠一階之兼古念反其兩職事之兼古恬反字同音異乃悟此碑兼字當讀去聲率更令職事官也有職事而去散官又以其欠一階故加兼以別於當階者此唐初之制後人知之者尠矣

皇甫誕碑

右皇甫誕碑不署年月信本題銜稱銀青光祿大夫亦在碑末與醴泉銘同隋書稱誕安定烏氏人北史稱安定三水人而碑云安定朝那縣名互異碑稱父璠長樂恭侯按周書及北史璠封長樂縣子不云進封侯也石已中斷損四十餘字下方剝落一片又失九十餘字銘辭漫漶不可識者又五六十字

萬年宮銘 永徽五年五月

右萬年宮銘高宗御書極似懷仁聖教序而文多漫漶點畫不具末題大唐永徽五年歲次甲寅五月景午朔十五日庚申建五字甲寅字雖殘缺猶依稀可辨攷冊府元龜永徽五年五月制萬年宮銘刻石於永光門外與石刻年月正合又以溫公通鑑目錄推之是年五月正丙午朔趙氏金石錄以爲永徽六年者誤也

碑陰

右碑陰首行題云奉勅中書門下及見從文武三品以上并學士并聽自書官名於碑陰列名者長孫無忌李勣韓王元嘉鄧王□□趙王福曹王明尉遲敬德褚遂良唐儉崔敦禮柳奭韓瑗來濟□□契苾河力阿史那忠□連□柳亨許敬宗李緯趙

元楷唐臨長孫冲蕭欽張大師郭廣敬豆盧承基竇智純史□施崔義元馮士翹趙孝祖李義辨李仁□權善才趙道興仇懷吉王文度元武榮李客師侯貴昌賀蘭僧伽劉善因常基辛文陵李義府薛元超上官儀凡四十八人無忌勣敬德遂良四人以官高故不書姓敦禮以下四人中書門下官也儉曾爲兩省官以致仕故列於見任兩省官之前□□以下四人皆大將軍也柳亨以下八人皆卿監惟唐臨以尙書厠其間然則唐初六曹尙書班視卿監矣自廣敬至文陵廿人其十七人皆將軍也而義元以御史大夫武榮善因以前刺史參錯其間御史大夫階三品上州刺史亦三品也義府元超儀皆學士官未登三品故敘於文武三品之下韓鄧趙曹四王官或刺史或大將軍或併無官而列敘於太尉無忌司空勣之下開府儀同三司敬德

之上然則唐時諸王班在真三公之下開府之上也元嘉官遂州刺史福官鄜州刺史儀官太子洗馬學士新舊書皆不載而洗馬學士之名百官志亦未之及

王居士塋塔銘

顯慶三年十月

右王居士塋塔銘古今志墓之石類小而薄不能耐久歐趙所見誌石今無一存者此銘出土纔百餘年已裂為三矣說文塵从广从里从八从土詩胡取禾三百塵兮釋文塵本亦作埤又作厘厘本塵之省文故唐碑纏漣躔字旁多有从厘者張敬說墓志葬于漣澗之陽後周石幢口躔南斗隋舍利塔銘俱免蓋纏唐孔泰師碑門人議服俱纏至極之哀鴻慶寺碑疴纏腠理李思訓碑憂纏家國陸東之蘭亭詩適足纏利害此銘亦有離蓋纏字廣韻以纏為纏字之俗其實乃省文爾

蘭陵長公主碑

顯慶四年十月

右蘭陵長公主碑金石錄不著書人姓名據寶刻類編則駙馬都尉竇懷哲所書也碑稱懷哲太穆皇后之孫銀青光祿大夫少府監上柱國德素之子按太穆皇后神武公竇毅女而德素為毅曾孫於太穆屬孫行也史稱德素南康郡太守而碑云少府監宰相世系表懷哲武威郡都督公主傳稱兗州都督而碑云慶州刺史皆與史互異碑誌例書某郡縣人以表族望所出若親王公主天家肺附其姓望世所共知何必拘此成例而沈約撰安陸昭王碑任昉撰竟陵王行狀皆稱南蘭陵人此碑亦稱隴西狄道人似未通乎尊王之義矣荀粲字奉倩碑作奉禧

定公碑

麟德元年四月

右定公碑八分書予得之繡谷蔣氏蓋裝潢之本而失其前半

其敘事可見者云恩詔矜遂以龍朔二年歲次癸亥二月乙酉朔二十六日庚戌邁疾薨于隆慶里之私第春秋七十有七其年五月癸丑朔二十日壬申葬于三原縣萬壽鄉諡曰定公嗣子前荊州大都督府錄事參軍武州司馬護軍昶末一行云大唐麟德元年歲次甲子四月戊寅朔八日乙酉建此豐碑攷唐初大臣諡定者豆盧寬韓仲良于志寧各有豐碑此定公未詳何人金石家未有著錄者畢中丞撰關中金石記按羅最富亦未載此碑不審世間尙有全本否文稱稟榮河之純粹粹卽粹字烝相高門烝卽丞字束髮肆業肆卽肆字

予蓄此碑有年後讀陳氏寶刻叢編載有越州都督于德芳碑從弟志寧撰蘇季子分書麟德元年四月八日建在三原計其立碑年月日與此碑正合又係分書而在三原當卽德

芳碑也唐會要隴州刺史會稽郡公于德方諡曰定亦是一證會要及唐書宰相世系表俱作德方獨陳氏作德芳表不載其子而碑有嗣子昶疑表有脫文

碧落碑

咸亨元年

右李訓等造大道天尊像記世所稱碧落碑也篆書奇古小儒昨舌不能讀賴有鄭承規釋文稍可句讀至其假借之原好古者猶或昧焉有以聲相轉而借者窰之爲空凭之爲伏盾古文之爲廉是也有以同音相借者顛之爲宣顛之爲規瓊之爲柔是也有以偏旁相同而借者尊之爲敦櫛之爲端藻琛之爲深塵之爲纏躔之爲號璫之爲維齧之爲烈窳之爲誠衙之爲同璩之爲度禱之爲猷扞之爲何是也休本沈溺字故借爲強弱之弱蜀本目眴字故借爲元妙之元彰本啻吝字故借爲文章

之文廣疋筵因皆訓席故以迺爲筵觀見周禮廳亭見石鼓文
猥見漢書黠襍慤泉籟與稟貞之爲古文纂或醜之爲籀文皆
見於說文略舉一隅亦足見古人精於小學非不知而妄作也

碧落碑釋文 咸通十一年

右碧落碑釋文咸通十一年鄭承規所書距造像時已二百年
矣承規書名不甚著而楷法道整釋文未審卽出承規之手或
別有傳授否要非精研六書博涉古今者不能辨也自宋以來
篆書家奉此釋爲金科玉律莫敢易一字顧寧人始糾其誤者
數字然如直書心事句碑本釋爲書而顧謂其誤釋爲言則又
太不檢照矣予習是碑有年乃覺承規所釋尙有未當者而前
人皆未及舉正如瓊蟻鄭釋爲瓊儀攷說文本有瓊字讀若柔
从玉嬰聲嬰與柔同說文有嬰字無柔字故嬰有柔音不當釋爲瓊也噪
閻鄭釋爲噪閻按玉篇噪古弔切聲也亦作叫又噪五弔切叫
也噪與噪皆叫之異文不當釋爲噪也碑中遽字兩見鄭前釋
爲逮後釋爲建竝誤按說文遽古文及字碑前云敬立大道天
尊遽侍真像後云貪遽餘漏皆當釋爲及宋書范蔚宗徐湛之
兩傳竝有貪及視息之語則貪及二字固有本矣鄭讀爲建顧
讀爲逮所謂楚失而齊亦未爲得也

贈太常卿褚亮碑

右贈太常卿褚亮碑凡廿八行下截已失每行僅存廿一字其
篆額云大唐褚卿之碑與它碑式異褚字左从禾右从老省蓋
不通六書者所作也亮卒於貞觀廿一年十月碑之立在高宗
朝其時遂良已得罪貶死故祇述襲封陽翟侯遂賢一人

乾陵述聖紀 文明元年八月

右乾陵述聖紀武后撰文碑已斷爲數段今惟存兩段亦多曼滅文有云唵唵齊萌齊萌者齊民也唵卽喋字改世爲云亦以避太宗諱故也今禮記曲禮篇蔥漆處末玉藻篇爲已倮卑漆當作溲倮當作僕唐人刻石經避廟諱改易本文後來棗板者因其字稍僻不能訂正遂相沿到今矣肯庭之肯卽胥字謂赫胥大庭氏也

奉仙觀老君像碑 垂拱元年十二月

右奉仙觀老君像碑沮渠蒙遜史稱盧水胡智烈亦白署瀘水瀘與盧通殆蒙遜之裔歟智烈以書名金石錄所載尙有少姨啟母二廟碑予所見獨此爾

美原神泉詩并序 垂拱四年四月

右美原神泉詩韋元旦製序賈言淑及無名氏詩各一篇刻於

碑之正面徐彥伯序尹元凱溫翁念李鵬詩各一篇刻於碑之背面元旦元凱史皆有傳而失載其字彥伯史稱名洪以字顯據碑乃名彥伯而字光也李至遠史稱初名鵬以大父素立奉使因名至遠按素立卒於高宗朝此碑立於武后初尙仍初名而以至遠爲字則非初名鵬而後改至遠矣蓋後來以字行其字或出於素立所命史家傳聞失其實爾溫翁念彥博之孫官至太僕少卿見宰相世系表其字敬祖表亦未載

宣州刺史陶府君德政碑 永昌元年二月

右宣州刺史陶府君德政碑前數行漫漶不能讀以竇刻類編證之知府君名大舉撰文者僧靈廓書之者陶德甄也大舉以宏道元年刺宣州垂拱四年改刺相州明年始立此碑其時猶未改唐爲周碑中詔字亦未回避也王象之云碑在當塗縣東

六十里丹陽鎮南之禪那院今石故無恙而地僻左知之者少頃歲朱學士竹君視學安徽始訪得之而沈太守方穀拓本貽予二君皆予同年也碑書藝作篆與顏魯公書李含光碑同

明堂令于大猷碑

聖歷三年十一月

右明堂令于大猷碑唐制京縣令正五品上輦轂之地職務要劇大猷雖歷任德州司馬汾州長史隨州刺史而改任京縣當時不以爲左降也唐書于志寧傳云京兆高陵人碑云東海鄉人者蓋舉其族望此碑乃大猷之兄兗州刺史辯機所立攷世系表本名知微字辯機碑于祖父皆稱名不應獨書兄字竊意辨機本知微之名明皇之世避嫌名改以字行如劉知幾之改爲子元耳碑云風儀磊落天骨昂藏備卽磊字昂卽昂字唐人謹于家諱此爲大猷立碑乃不避猷字

王璿造石龕像記

長安三年七月

右王璿造石龕像記璿字希琢武后長壽元年八月辛未自營繕大匠遷夏官尙書同鳳閣鸞臺平章事九月癸丑流嶺南在相位厯卅三日耳史家不爲立傳不知其後事以此刻攷之知其後又入爲殿中監檢校奉宸令而封瑯邪縣子也予所藏易州刺史山亭記建中二年易州司士參軍王璿撰此別是一人蓋唐有兩王璿矣王無惑書法在王知敬諸葛思禎之間而評書者不及焉予爲表而出之

姚元之造像記

長安三年九月

右姚元之造像記末題長安三年九月十五日銀青光祿大夫行鳳閣侍郎兼檢校相王府長史姚元之造按唐書姚崇傳崇字元之始名元崇以與突厥叱刺同名武后時以字行至開元

世避帝號更以今名宰相表自長安四年八月以前皆稱元崇
九月以後始改稱元之今據此記則元之以字行久矣元之時
為同鳳閣鸞臺平章事而不入銜蓋當時猶未以平章為正官
也

共城縣百門陂碑 長安四年九月

右共城縣百門陂碑題云辛怡諫文張元琮記蓋辛製銘而張
撰序與宗聖尉遲迥蘇許公諸碑同例魏書地形志共縣有
柏門山柏門水柏與伯通句又與百通也碑為縣令曹懷節禱
雨有應而作熨升卽熨斗漢隸斗作升行書蟬聯而上與升幾
無別矣憶壬申歲在都下見此碑於邵刑部閣谷所訪之三十
年未得頃嚴公子子進購一本餉予為之訝狀而閣谷已墓有
宿艸矣

司空蘇瓌碑 景雲二年三月

右司空蘇瓌碑首行漫漶篆額唐故司空文貞公蘇府君之碑
十二字特完好其文云維唐景雲元年歲在庚戌太子少傅許
國蘇公夢于崇仁里之私第粵明年三月己酉葬我公于武功
之先塋趙德甫金石錄題為景雲元年十一月蓋本校其全文
也文苑英華曾載此文以石本校之頗多異同如曾祖隋尚書
右僕射開府儀同三司雍州牧諱威石刻作邳國公不作雍州
牧大父隋職方郎中石刻無中字攷隋文帝父諱忠故改中書
為內史諸曹郎皆去中字不當稱郎中蘇威亦未為雍州牧皆
石本之可信者又碑稱中書侍郎同中書門下平章事范陽張
公石刻平章事之下又有昭文館學士兼修國史皇太子侍讀
十四字攷唐史中宗朝張說以兵部侍郎兼修文館學士至是

爲宰相仍領學士昭文館卽修文改名也宰相世系表蘇氏魏
都亭剛侯則第三子遁八世孫綽此碑述其先世有魏侍中則
晉尙書遜遜與遁古字通碑稱瓌有子七人銘詞亦有七子令
德之語今攷世系表止有六人蓋史之漏

孝子郭思訓墓誌 景雲二年十二月

右孝子郭思訓墓誌無撰書人姓名思訓始應吏職清白舉及
第再應孝悌廉讓舉及第攷唐制諸州歲舉孝廉蓋卽碑所云
孝悌廉讓舉也吏職清白舉則馬端臨所述唐制科名目未之
及焉

亳州錄事參軍馮本紀孝碑 先天元年十一月

右亳州錄事參軍馮本紀孝碑在高陵縣碑已斷中央損五十
餘字撰文者名朝隱而闕其姓攷唐書文藝傳朝隱先天中
爲祕書少監此碑文云朝隱竹簡舊游蓬山遺老題銜書少二
字可辨祕字亦存其半知爲朝隱無疑也馮君卒於咸亨四
年以久視元年葬先天元年樹碑距葬時已十三年矣碑爲嗣
子銀青光祿大夫留直昭文館敦直所書歐趙諸家俱未收錄
顧氏記金石文字始錄之又別出亳州錄事參軍一碑其實卽
此碑之上半誤分爲二耳碑書殿作焮敦作衰皆別體

周公祠碑 開元二年十二月

右周公祠碑朝議郎行偃師縣尉賈口義撰文多漫漶不見書
人姓名詳其文義蓋以河南尹隴西李行正少尹彭城劉禎偃
師令彭城劉體微等禱雨周公祠有應立石頌之也攷舊唐書
本紀開元二年正月關中自去秋至于是月不雨人多饑乏遣
使賑給名山大川並令祈祭以此碑證之則東都亦苦旱也是

時明皇親政姚元之當國民隱不壅於下而守令亦能勤於民事祈禱之誠如響斯答良足稱已

舊州都督姚懿碑 開元三年十月

右舊州都督姚懿碑碑云公後娶劉氏今紫微令崇故宗正少卿景之母也以唐表攷之則懿有三子曰元景曰元之曰元素元素官宗正少卿而元景乃潭州刺史且論其次第元景似元之之兄與碑皆不合碑立於元之為相時又奉勅撰必無有誤其單稱景則以避明皇尊號故耳懿葬于硤石而劉夫人別葬萬安山碑述夫人遺令云昔邴根矩沐德信並通儒達識咸以同窆為非實獲我心當從其議無改吾志爾惟孝乎按三國志邴原女早亡太祖愛子倉舒亦沒太祖欲求合葬原辭以合葬非禮乃止竊意根矩此言特不欲蹈嫁殤之失非真以同窆為

非禮與德信終制戒後亡者不得入藏固有別也德信事見裴松之魏志注碑立於開元三年十月金石錄作七月誤

光祿少卿姚燹碑 開元五年四月

右光祿少卿姚燹碑趙氏金石銘云撰人姓名殘闕寶刻類編則以為崔沔撰今檢石本姓名雖漫漶其上有朝議郎檢校秘書少卿博陵字甚完好博陵為崔之望則沔所撰審矣燹官終於光祿少卿而宰相世系表但云鄧海二州刺史亦攷之未審碑書葉作葉避太宗諱改世為云也其書天作反唐人石刻多有之

宗聖觀主尹尊師碑 開元五年十月

右宗聖觀主尹尊師碑師名文操隴西天水人遠祖緯仕後秦因家於鄠漢書地理志右扶風鄠縣古國有扈谷亭夏啟所伐

是扈鄴本一字故碑云扈人也高宗以晉府故宅爲昊天觀爲
文皇祈福以文操爲觀主嘗授銀青光祿大夫行太常少卿固
辭不得已乃受散官蓋其時緇黃之侶猶畏公議不敢輒玷清
班至開元中葉法善授鴻臚卿大歷中梵僧不空授鴻臚卿宴
然居之不爲怪矣員半千傳稱封平原郡公碑作平涼縣開國
公傳云人宏文館爲學士碑作崇文館學士皆當以碑爲正古
書處宓二字恒相亂仲尼弟子宓不齊本當爲處後人誤讀如
密今本史記遂誤作密字此碑處如字亦誤爲密矣碑爲元人
重摹有提點韞志真跋今亦中斷

贈太尉王仁皎碑 開元七年十月

右贈太尉王仁皎碑在同州府大荔縣之羌白鎮仁皎明皇廢
后王氏之父也唐書后妃傳稱同州下邽人碑云大原郡人者
舉其族望也碑文張燕公所撰而明皇親書之額題御書二大
字不審出何人筆此碑向來金石家皆未著錄歐趙諸公生於
汴都全盛之日茲刻近在左馮大書淡勒曾未得寓目而予生
六百年後乃獲藏弄而寶之金石之顯晦殆亦有數邪

娑羅樹碑 開元十一年十月

右娑羅樹碑娑羅本西域之木不知何時移植淮陰土人莫之
識也武后證聖中僧義淨還自西域過而名之開元中李北海
始爲之記碑石久亾明隆慶壬申沔陽陳文燭知淮安府得舊
榻本重刻於郡齋陳所得者裝界之木卽用橫石刻之故行款
皆失其舊唐人碑惟國子學九經橫刻取其便於諷誦此外無
橫刻也余本有食遮切之音茶从余聲余疋禳苦茶卽茶茗字
也茶乃茶之省文流俗誤分茶茶爲二此碑茶毗字作茶可見

唐人猶識古音也邕官海州刺史新舊史本傳俱失載碑云州牧宗子仲康者高平王道立之孫由主客郎中出為楚州刺史其云司馬宗子景虛則宗室表所未載也竇誠盈官至青州刺史見宰相世系表金石錄有張松質與李邕書碑所載邕宰清河張公松質即其人也

香積寺主淨業法師塔銘

開元十二年六月

右香積寺主淨業法師塔銘淨業姓趙氏父廸為天馬監唐書百官志太僕之屬有沙苑樓煩天馬監開元二十三年廢即其職也字書無廸字蓋廸之別碑書業作業避文皇諱改世為云也稟即稟字凡即凡字適本从管隸省為商碑譌从商

李憺華嶽題名

開元廿四年六月

右李詹華嶽題名云鄭縣尉李憺以開廿四六月六日充勅簡

募飛騎使判官向陝虢州點覆其月十四日事了回便充京畿採訪使勾覆判官此過赴京其文刻於華嶽頌之左側開下脫元字余嘗論明皇仿周官修六典省臺寺監官各有司欲去冗濫之弊而因事置使名目猥多楊國忠以度支郎中兼領十五餘使及至宰相領四十餘使使名之濫如此古人謂省官不如省事良有以也國忠所領有召募劔南健兒使此簡募飛騎亦其類蓋自府兵壞而召募之使四出然健兒身手終不能當漁陽之鼙鼓者文具而實不至爾採訪使之下有勾覆判官唐書百官志亦未載

沁州刺史馮公碑

右沁州刺史馮公碑文多漫漶其篆額云大唐故朝散大夫守沁州刺史馮公之碑凡四行十二字完好可讀此碑歐趙錄皆

無之始見於寶刻類編近世金石家題爲池州由未審篆文之
故攷唐書地理志池州武德四年以宣州之秋浦南陵二縣置
貞觀元年州廢永泰元年復析宣州之秋浦青陽饒州之至德
置碑立於開元中其時未有池州也據寶刻類編云碑以開元
廿二年立今摩滅莫能辨矣

雲麾將軍李思訓碑

開元

右雲麾將軍李思訓碑文稱姪吏部尚書兼中書令集賢院學
士修國史晉國公林甫攷唐書宰相表開元二十二年五月林
甫自黃門侍郎爲禮部尚書同中書門下三品二十四年七月
爲兵部尚書十一月兼中書令然則北海製文當在廿四年以
後而金石錄寶刻類編諸書皆題爲開元八年蓋因碑文有八
年六月廿八日合祔之文而不知祔葬之與立碑非一時也顧

文學言唐人曰曰二字同一書法惟曰字左角稍缺此碑謚曰
昭公字兩見皆作日左角亦不缺筆邕於思訓自稱從子然新
舊史邕傳不言出於宗室未知其審

三藏無畏不空法師塔記

開元廿五年八月

右三藏無畏不空法師塔記無畏者如來季父甘露飯王之後
十三嗣王位十九讓位入道開元初至京師文苑英華第八百
六十一卷載李華所撰東都聖善寺無畏三藏碑卽其人也與
嚴郢撰碑之三藏不空和尚各是一人但據李碑無畏初無不
空之號據嚴碑不空亦無無畏之名此記乃合而爲一一可疑
也據李碑無畏終于東都聖善寺葬于龍門西山而銘詞有伊
水西山冥冥元室之語則是洛陽之龍門不當塔于咸陽二可
疑也且檢此記前一段稱三藏無畏後一段稱三藏不空最後

又稱金剛智無畏不空爲三大士則亦未溷而爲一旣係兩僧何緣同在一塔三可疑也記末題開元廿五年秋八月刊其時無畏已歿而不空乃卒于大歷中時代乖舛四可疑也此刻昔人未有著錄者書法亦俗其爲後人妄託無疑

告秦華府君文

天寶元年四月

右告秦華府君文首稱惟廿七祀者開元二十七年也韓賞事迹不見於史而擇木書駸駸入漢人之室宜爲少陵歎賞也擇木有鄰竝以八分擅名今蔡書尙存尉遲迴隴履温二碑擇木獨此二百餘字爾

薛良佐塔銘

天寶三載閏二月

右薛良佐塔銘予所得拓本損其一角姓名不可得見首稱龍集協洽者天寶二載癸未歲也云以來年閏二月十四日塔於

終南山攷温公通鑑目錄天寶三載正閏二月金石文字記云閏四月轉寫之誤爾其云痛三武之喪偉節蓋用賈彪事三武者三虎也

琵琶泓詩

天寶五載五月

右琵琶泓詩朝議大夫高平郡別駕權澈詞錢唐縣尉琅邪王紆書澈名不見於唐史文苑英華有獨孤及撰高平別駕權幼明碑卽其人也澈字从水獨孤集本从才乃偏旁之譌英華刊本作允則誤之甚矣獨孤碑云開元二十三年拜監察御史會監祭太廟先時同事者約相與偕赴及將赴祭約者有故不至遽不暇告公曰人約我矣豈可先已而後信乎遂不赴坐是降爲河南府法曹由新安令爲絳郡司馬高平郡別駕故其序有秉憲被譴來佐丹曲之語也石刻在澤州鳳臺縣歐趙諸家皆

未載計敏夫唐詩紀事亦無澈姓名

安天王碑陰 天寶七載三月

右安天王碑陰金石錄祇載碑陰而不及前碑止云八分字
不知撰書者姓名皆攷之未詳也碑末列郡僚以下姓名皆八
分書惟岳令丁子琦獨正書者碑立於五月而子琦以七月一
日到官別令它人補書非千齡筆也唐書地理志博陵郡領十
縣無鼓城此所題有鼓城縣令攷鼓城以大歷二年改隸鎮州
明皇之時縣猶隸博陵也前供奉三洞道士劉從一列名岳令
之次而以合鍊百花漿繫銜誕妄已甚君子以是徵唐政之將
亂矣

雲門山投龍詩 天寶七載


右雲門山投龍詩北海太守趙居貞所作金石錄不詳書人姓

名驗其文乃渤海吳□書也碑稱明皇尊號云天寶聖文神武
□□皇帝而天寶之上尙有闕文攷唐書天寶七載五月上尊
號曰開元天寶聖文神武應道皇帝則此碑上闕開元二字下
闕應道二字矣居貞以是年病月至郡辜月己巳登雲門碑首
紀年處雖殘闕以史推之當卽在天寶七載其明年尊號又增
至十三字矣居貞五言詩嚴重不失盛唐風格而計敏夫唐詩
紀事不載其姓名蓋唐人能詩者多或傳或不傳若有數孑乎
其間而古人伐石勒名以圖不朽非無裨也碑在青州城南五
里雲門山歲丁酉李素伯拓以見贈 安一位如御史臺知雜御
史之例不當列於僕射之上後一段言僕射是二品六曹尚書
並三品非隔品致故之類不當擠排尚書攷在下座所云裴俊
射者左僕射裴亮也尊者爲殿所偏殿誤作賊唐會要尚書左

未載計敏夫唐詩紀事亦無敏姓名

安天王碑陰 天寶七年三月

石安天王碑陰金石錄祇載碑陰而不及前碑止云八分
里雲門山嶽正西李素節碑以良觀未列都俗以下姓名皆八
其間而古人好百博各以圖不詳非無碑也輒立青州越南正
縣事不嫌其致各蓋專人指端皆逐短博短不與薛津樓碑平
至十二字矣故真正言高鑑重不夫然其風流而信越夫惠南
縣事盡難參關以史辨之當慎奪天寶上雖其間半曾鑑又曾
闕缺徵口宰矣故貞以其爭讓民至將宰民身登雲門軒首
觀因開天寶聖文帖左惠後皇帝似北帖上闕開天二字不
口口皇帝而天寶之上尚自關文交書書天寶上雖正且上尊
谷總其文以備新吳口書也輒擬則皇尊德云天寶聖文帖左

潛研堂金石文跋尾續卷第三  嘉定錢大昕

唐

顏魯公與郭僕射書 廣德二年

右顏魯公與郭僕射書稿世所謂爭坐位帖也舊唐書代宗紀
廣德二年十一月丁未郭子儀自涇陽入覲詔宰臣百寮迎之
於開遠門上御安福寺待之此帖所稱與道之會正在其時魯
公年譜繫之廣德二年信矣此書前一段言魚朝恩階雖開府
官止監門將軍以班列言之應序於十二衛大將軍之次即欲
別示尊崇只可於宰相師保座南橫安一位如御史臺知雜御
史之例不當列於僕射之上後一段言僕射是二品六曹尚書
並三品非隔品致敬之類不當擠排尚書使在下座所云裴僕
射者左僕射裴冕也尊者為賤所偪賤誤作賊唐會要尚書左

右僕射自武德至長安四年以前竝是正宰相豆盧欽望拜左僕射不言同中書門下三品不敢參議省事數日始加知軍國重事至景雲二年韋安石除左僕射東都畱守不帶同三品自後空除僕射不是宰相遂爲故事英又除僕射時已非宰相然官品最高在侍中中書令之上過此則爲三公三師非尋常人臣之職故稱百寮之師長也

唐頌銘 大歷三年閏六月

右唐頌銘其文自左而右篆法與嶧臺銘相似而字較小說文高小堂也或作頌讀去頌切與亭字音義各別次山此銘本是頌字俗儒罕通六書誤讀爲唐亭失之遠矣碑書厭爲冑蓋取省文但厭當从甘此却从白未合六書之旨

容州都督元結表墓碑 大歷十年十一月

右容州都督元結表墓碑顏魯公書四面刻字與宋廣平李含光及家廟碑式相同後題大歷下闕一字據魯公行狀稱大歷七年除湖州此碑署湖州刺史必在七年以後矣唐書元結傳稱曾祖仁基寧塞令而碑云襲信令又稱父延祖再調春陵丞而碑云歷魏成主簿延唐丞皆其異者

清源公王忠嗣碑 大歷十年四月

右清源公王忠嗣碑元載撰文駢儷中饒有風格多作韻語蓋倣漢碑式載爲忠嗣女夫故用潘諫故事碑文伉勁精練可追蹤燕許乃以胡椒八百石亾其身古人所以戒婦言是用也載封許昌縣子見於唐書本傳其進封潁川郡公傳却失書王縉封齊國公新史亦未書也載以中書相領集賢殿崇文館大學士縉以門下相領宏文崇文館大學士史所謂宏文集賢分隸

中書門下省也崇文館置大學士則百官志所未詳吐蕃者南涼禿髮利鹿孤之後音轉爲吐蕃故碑稱吐蕃爲禿髮

內侍監高力士碑

大歷十二年五月

右內侍監高力士碑石已中斷失其下截每行止存二十餘字文稱馮盎子智幾爲高州刺史智戴爲恩州刺史智登爲潘州刺史攷唐書盎傳惟有智戴及智或無智幾智登亦不云智戴爲恩州刺史皆其漏畧也史稱寶應元年力士自巫州赦還見二帝遺詔北向哭歐血而卒不云卒於何所此碑云朗州龍興寺蓋其卒之地也

無憂王寺大聖真身塔銘

大歷十三年四月

右無憂王寺大聖真身塔銘文云貞觀五年至顯德五年蓋三十霜矣顯德蓋顯慶之譌書碑者稱恒農楊播而不畧官攷之史楊炎父播舉進士退居求志明皇召拜諫議大夫棄官歸養肅宗時卽家拜散騎常侍號元靖先生播蓋自託於逸民之流故不稱官也炎鳳翔天興人而播自題恒農者舉其族望如顏稱琅邪徐稱東海之類

顏氏家廟碑陰額上題字

右顏氏家廟碑陰額上題字凡十行八十五字亦魯公所書記改堂爲廟室神廚之事爾雅四達謂之衢謂交道四出者今俗所謂十字街也然北史李庶傳劉家在七帝坊十字街南此碑亦云殷夫人居十字街西北壁第一宅則十字街之名亦古矣號本从守今从乎亦體之別者

舜廟碑

建中元年

右舜廟碑韓雲卿撰韓秀實書李陽冰篆額歐趙陳三家皆未

著錄王象之輿地碑目稱靜江府有虞帝廟碑唐李陽冰篆而不載撰書人姓名于奕正金石志以爲韓雲卿撰又不及書篆者皆攷之未審也明嘉靖中豐城楊銓題五言詩隸書鐫刻於石磨毀中央百餘字然雲卿秀實姓名具在篆額上冰字亦未損琬琰雖缺猶當與赤刀大訓並陳兩序也粵西石刻以此爲最佳而收藏家多不著錄李素伯由湖陽令遷靜江郡丞爲子搨致之

景教流行中國碑 建中二年太簇月

右景教流行中國碑景教者西域大秦國人所立教也舒元興重巖寺碑雜夷而來者有摩尼焉大秦焉秋疑祇字神焉合天下三夷寺不足當吾釋寺一小邑之數今摩尼祇神祠久廢不知所自獨此碑敘景教傳授頗詳蓋始於唐初大秦僧阿羅本攜

經像至長安太宗詔所司於義寧坊造寺一所度僧廿一人高宗時崇阿羅本爲鎮國大法主仍令諸州各置景寺其僧皆割頂畱須七時禮讚七日一薦所奉之像則三一妙身无元真主阿羅訶也今歐邏巴奉天主邪穌溯其生年當隋開皇之世或云卽大秦遺教未審狀否後題太蔭月七日大耀森文日建立所云大耀森文亦彼教中語火綉布卽火浣布也

智者大師修禪道場碑 元和口年十一月

右智者大師修禪道場碑右補闕翰林學士梁肅撰台州刺史徐放書陳隋之際僧智顓說法於天台立止觀法門世所稱天台教宗也顓傳章安灌頂頂傳縉雲威威傳東陽威以師弟同名故稱東陽爲小威小威傳左溪朗至湛然蓋五傳矣肅以文章重海內乃於湛狀稱門人唐世士大夫佞佛如此昌黎原道

之作豈得已哉唐史文藝傳稱肅世居陸渾而碑自稱安定梁肅者舉其族望也癸卯夏予登台山由高明取道佛隴入大慈寺見此碑倚壁閒屬黃太守見滄揚而藏之元和下缺一字據寶刻類編乃元和六年也攷崔元翰撰肅墓志稱貞元九年十一月旬有六日寢疾終於萬年之永樂里碑立於元和閒肅已先卒矣唐史以肅附蘇源明傳云源明最稱者元結梁肅今據墓志肅卒於貞元九年年四十一溯其生年在天寶十二載癸巳杜子美八哀詩作於大歷初其時源明已沒大歷改元歲在丙午肅纔十有四齡耳元翰志但云年十八李遐叔獨孤至之見其文稱其美不言爲源明所知然則史云源明最稱獎肅者殆未足信因跋此碑而牽連書之

使院新修石幢記 元和十二年九月

右使院新修石幢記武寧軍支度副使高瑀撰節度判官禪藩書後列金紫光祿大夫檢校尚書左僕射使持節徐州諸軍事兼徐州刺史充武寧軍節度□□度營田□□□等州觀察處置等使上柱國襲岐國公食實封七百五十戶李愿元和六年十一月四日上舊唐書憲宗紀元和六年十月以前夏州節度使李愿檢校兵部尚書徐州刺史充武寧軍節度使史書除授之日碑紀到任之日故差一月其襲封岐國公新舊書俱失載其檢校尚書左僕射本傳載於除鳳翔節度之時不知在武寧時已自尚書遷僕射矣結銜有食實封而無食邑與苻璘碑同碑稱連帥大府今天下三十有九而元和二年李吉甫撰國計簿總計天下方鎮凡四十八相去不十年何以異同若此不可解也記末有一行云大宋皇祐六年甲午歲二月二日申

使乞差兵匠自金銅門外出取到舊使院碑幢二座於新使院內豎立則當時固以爲舊物而珍之今距皇祐又七百二十餘年其可寶更當何如石刻今在徐州此本爲江都汪容甫所贈攷歐趙諸公皆未著錄近代藏金石家亦罕及之一紙書勝於百朋之錫矣

中書令張九齡碑 長慶三年口月

右中書令張九齡碑大歷中文獻之猶子抗爲殿中侍御史請徐季海製文書之距文獻沒已卅餘年至長慶三年抗之從子仲舉始立石今所存者宋天聖八年知韶州刁湜重刻本也碑在文獻墓前乙未夏予按試曲江募工拓而裝之文多剝落以術推之癸丑朔乃長慶癸卯之七月也湜昇州人兵部郎中衍之子登進士第官屯田員外郎史不載知韶州事

李渤留別南溪詩 大和二年十一月

右李渤留別南溪詩前題桂州刺史兼御史中丞成紀李渤後題大和二年十一月十三日攷唐書本傳渤以言宦人益橫帝謂其有黨出爲桂管觀察使踰年以病歸洛太和中召拜太子賓客渤官給諫在敬宗卽位之初其出爲觀察當在寶歷元年據此刻知渤在西粵不止踰年其引病歸洛乃在大和二年傳所敘次未得其實矣史稱觀察而石刻稱刺史者唐時節度觀察團練防禦諸使例兼本州刺史刺史爲正官觀察爲差遣也唐文宗紀年本云大和子所見石刻無有作太者今新舊史通鑑皆爲作太字當據石刻正之李西平神道碑作太和此後人重刻不足據

青蓮寺碑 大和七年十月

右青蓮寺碑龍興寺上座大德道振撰前試太常卿司徒暉書
文與書法俱無足觀碑本無額姚半塘修鳳臺縣志題為青蓮
寺碑姑從之碑有素畫彌勒佛之語按說文無塑字唐宋碑刻
或作瘞亦俗不若作素之為得也率之作率亦俗字

修龍宮寺碑

大和九年四月

右修龍宮寺碑前題浙江東道都團練觀察處置等使中散大
夫檢校左散騎□□□□□□□□丞賜紫金魚袋李紳
撰散騎下蓋闕常侍越州刺史兼御史中十字也攷唐書李紳
傳紳以太子賓客分司東都太和中李德裕當國擢浙東觀察
使碑云大和癸丑自分命洛陽承詔以檢校左騎省廉察于茲
所謂分命洛陽者卽分司之命也高似孫刻錄旣載此碑又云
紳自宣武節度歷左散騎越州刺史似未達碑文之旨矣紳之

帥宣武乃在浙東召還再領分司之後唐史所載甚明疏寮於
史學甚疏道聽塗說故多舛誤

國子學石經

開成二年

右國子學石經舊唐書譏其字體乖師法近儒崑山顧氏尤詆
之于於癸巳歲取石本校勘再三乃知此經自開成初刻以後
幾經後人之手乾符修改一也後梁補闕二也又有旁注字大
約北宋人所作三也若明人補刊闕字則別爲一石不與本文
相淆而世俗裝潢者欲經文完具乃取明刻剪割連綴之遂不
復識別顧氏所舉石經之失大半出於明刻而援爲口實不知
其爲裝潢本所誤也若旁注之字惟易書詩春秋論語有之其
尤戾於古者如易觀卦彖添日月不過四字書封比干墓式商
容閭墓上閭上俱添之字詩從夏南南下添姬字上入執宮功

執下添于字錫山土田錫下添之字山下添川字田下添附庸
字歲其有有下添年字詒孫子詒下添厥字春秋姜與子犯謀
謀下添飲之酒三字旅弓矢千弓下添十旅二字奸絕我好我
下添同字則是康公絕我好也公下添弃字我下添同字童子
言焉子下添何字余狐裘而羔袖余下添猶字若不能猶有鬼
神能下添掩字叔虎之母美而不使使下添視寢二字是將行
而歸爲子祀行下添乎字其四國當之之下添六物之占四字
今子少不颺少下添貞字而告于知氏氏下添范氏二字二子
之不欲戰也宜宜下添哉字多陵人者皆不在在下添矣字皆
淺陋非唐刻之舊或謂晁公武據孟蜀石經增入非也公武撰
石經攷異在乾道庚寅帥蜀之日其時長安已非宋地公武何
從增改之且公武所舉經文不同者三百二科十二經皆有之

而石刻旁注祇有易詩書春秋論語其非公武所作審矣惟春
秋六物之占一條與公武所舉適合然孟蜀石本經文卽用開
成舊本公武作攷異乃以長興國學板本校勘得之而又自言
石經固脫錯監本亦難盡從則公武亦非專信監本也予故謂
旁添之字必是北宋人依監本增改然監本出於田敏敏經學
疏淺又在唐元度之下固難深信矣太平御覽所引經文閒與
旁添之文相合亦卽據當時監本非別有古本也朱梁所刊惟
儀禮左氏穀梁三經閒有數段蓋經韓建築城委棄之後輦來
城中偶有損失而任意補之非奉朝命故字法醜劣亦無師承
所謂自鄗以下無譏者矣乾符修改與初刻本互有得失當分
別觀之夫今人得宋槧本尚知寶而愛之此經刻于唐世同時
儒者議其蕪累固所不免越今已及千年世間不復見有唐本

而此石歸狀獨存乃以繆戾譏之甚矣其惑也

周易

周易十卷與今本異者君子以裒多益寡裒作褻力小而任重小作少雜卦姤遇也姤作遘攷說文無裒字鄭荀諸家易皆作桴云取也褻从衣从采采與孚同則褻亦與桴通矣力少而任重章懷注後漢書亦引之今本改爲小則與知小句重出姤字說文亦不載古文易作遘而鄭氏從之王輔嗣改就俗體獨此一字未改此古文之僅存者石經勝于今本正在此等而顧氏皆以爲誤蓋古學之不講久矣畧例云筌者所以在魚得魚而忘筌筌字初刻从草後改从竹按說文無筌字筌蹄之語出莊子外物篇崔謨注筌香艸可以餌魚則从艸者爲正後人不知而妄易之

尚書

尚書十三卷第三弟四弟五弟十一字畫似經重刻秦誓予有亂十人亂下旁添臣字春秋襄廿八年武王有亂十人昭廿四年余有亂十人論語予有亂十人俱有旁添臣字陸元朗論語釋文云本或作亂臣十人者非邢昺始據誤本增入臣字故劉原父有子無臣母之疑唐以前無此說也予謂石本增加字皆北宋人所作觀於此益信說文猷訓飽厭訓筮經典多借厭爲猷飽字此經萬年猷于乃德爾雅豫射猷也皆从正體此亦石經勝於今本之一證

毛詩

毛詩二十卷詩以十篇爲什惟二雅周頌爲然若魯頌止四篇商頌止五篇不能成什故但云駟詁訓傳那詁訓傳相臺岳氏

本與石經同今本稱駟之什那之什者誤矣予尾脩脩石刻作脩脩脩有蕭音故中谷有蕭篇與獻叶宋高宗御書石經亦作脩說文本無脩字也賈用不售初刻作讎不遐有害初刻作瑕如彼邇風初刻作愬按說文無售遐二字晉人賦云愬流風而獨寫正用詩語此則後來改本不如初刻之善矣涼曰不可涼作諒此用鄭義訓諒爲信無此疆爾界界作介此從陸氏釋文顧皆以爲誤亦未深攷爾

周禮

周禮十二卷牛人軍事共其犒牛石刻作犒攷說文無犒字小行人若國師徒則令犒膾之注引鄭司農說犒謂犒師也春秋傳使展喜犒師服虔云以師枯犒故饋之飲食然則犒爲犒之古文也攷工記妣胡之笱注云故書笱爲笱杜子春云當爲笱

笱讀爲橐按說文無笱字石刻上半雖殘闕下半从句不从可其爲笱無疑笱與笱字形相似讀笱爲橐聲尤相近也至如大司樂王大食三省宥與侑通大宰邦甸之賦今本譌爲郊甸凡以神士者今本譌爲仕皆當依石刻正之顧氏轉以石本爲誤殊不可解若地官序官一篇遂師當承遂人之下鄙師鄴長里宰鄰長當承遂大夫之下而各自跳行中川下士六人當承川衡之下中川非官名而亦跳行此則書石者之無學劉昫所譏殆爲是歟

儀禮

儀禮十七卷士昏禮燕禮二篇皆後梁重刻而燕禮篇尚存元刻五六行鄉射禮重刻者三之一聘禮重刻者大半此外皆元刻也而書法較之它經稍劣然監本毛本此經多脫文賴有石

刻後人得以校補厥功亦偉矣士冠禮啐醴建柶與與士昏禮啐醴建柶與之文同今本建譌爲捷鄉飲酒禮遵者降席席東南面與鄉射禮大夫降席席東南面之文同大夫卽遵者也今本脫一席字鄉射禮闈人爲燭於門外與大射之文同今本燭上多大字少牢饋食禮尸受同祭于豆祭與有司徹同祭于豆祭之文同今本受同譌爲同受此以前後篇參觀之而決其可信者也有司徹主婦洗于房中與少牢主婦洗于房中之文同今本洗下多爵字則與特牲文同予謂少牢有司二篇皆有主婦贊者授爵之文則洗爲洗爵可知特牲無贊者授爵一節故云洗爵此古人文字之密或疑此有脫文者失之矣喪服大夫之妾爲庶子適人者諦審石刻爲下本有君之二字按注云君之庶子女子子也則經文當有此二字大功章云大夫之妾爲

君之庶子與此文正同可證君之二字不可省今本皆無之石刻亦已磨改乃知初刻之精審乾符修改幾於不知而妄作矣

禮記

禮記二十卷以御剛定月令第一曲禮第二曲禮下第三檀弓第四檀弓下第五王制第六文字與今本異者以相臺岳氏本校之多相合乃知倦翁正俗之功大也曾子問祭殤不舉今本舉下有肺字按注云舉肺脊以經文但言舉故以肺脊實之且肺脊兩物如經文言肺不言脊正義亦當申明之矣岳本及衛湜集說本皆無此字其爲後人妄增無疑也喪大記子大夫公子食粥今本公子下有衆士二字蓋因上有子大夫公子衆士皆三日不食之文相涉而誤按下文士疏食飲水卽衆士也則衆士不在食粥之內矣學記燕辟廢其學大學人之其所親愛

而辟焉之其所賤惡而辟焉之其所畏敬而辟焉之其所哀矜而辟焉之其所敖惰而辟焉石刻辟皆作譬蓋用鄭義岳木皆作辟而圈去聲亦依鄭讀也緇衣章義瘧惡今本義作善蓋後人依尚書改之陸氏釋文引皇侃云義善也又云尚書作善可證古本不爲善矣君奭曰在昔上帝岳本在昔作昔在石刻亦作在上帝而在字之上有闕文必與岳本同問傳杜桴翦屏今本柱作挂挂俗字岳本作柱而圈上聲用陸德明音得其正矣它如豐耗之耗作耗廢疾之廢作癢鏗鏘之鏘作鎗一个臣之个作介皆當以石刻爲正

春秋

春秋三十卷內宣公上下俱經後梁重刻上卷尚存元刻五六行下卷重刻者僅三之一若僖公篇亦有數段似出後人重刻

如僖六年而縛釋縛之縛皆譌爲縛救譌爲殺與它卷全別定公篇亦似重刻越句踐之句宅卷从口此从厶是其證也然較之後梁刻本則字迹遠勝之矣顧氏於此經所摘誤字甚多今攷之大率明人所補或係朱梁所刻非唐本之舊隱十年宋人蔡人衛人伐載此據陸氏釋文非誤也文元年王使毛伯衛來賜公命經書錫傳書賜故注有謝賜命之語非誤也宣三年晉侯伐鄭及延今本作鄆說文亦以鄆爲鄭地然地名从邑多出經師增益廩延字亦無邑旁也宣十八年凡自內虐其君曰弑今本少內字內與外相對成文似不可省成二年且辟左右石刻且作旦夢必在夜則旦義爲長昭三年少齊有寵而死今本齊作姜亦石本得之定元年榮駕鶩今本作駕駕字說文無之依正文當用鳴假借同音則駕亦通也哀二十六年四方其順

之正義云四方諸國皆順從之是古本作順也今本作訓乃後人依詩文妄改顧氏皆斷以爲誤果孰誤而孰否乎若石刻之勝于今本而顧所未舉者襄二十九年高子容與宋司徒見知伯今本高上有齊字予謂左氏義例至精一言不可增損此傳子太叔稱鄭以經不書游吉也華定書官不書族故稱宋以別之其餘諸卿已見于經知悼子不書晉太叔文子不書衛高子容何獨書齊乎此後人妄加而失其義者也昭元年趙孟曰天乎今本天作天夭與亡相對故云鮮不五稔昭二十五年吾聞文成之世謂文公成公也史記魯世家漢書五行志皆作又成今本作文武誤矣哀元年宿有妃牆嬪御今本牆爲媯說文無媯字陸德明云媯本又作膚或作牆漢隸引旁字或變从广膚與牆實一字也哀二十六年越泉如舌膚二十七年越子使舌

膚今本舌作后以國語證之亦當爲舌又如皇戊向戊穿封戊沈尹戊皆从戊从一唯衛公叔戊从戈从人板本往往溷殺非得石本何由決其異同以是知石刻之可貴也

公羊

公羊十二卷與今本亦多異同如桓二年隱賢而桓賤也今本賤作賊據注云賤不爲諱則當爲賤也僖廿六年乞者卑辭也今本乞下有師字據疏云乞者至若辭則不當有師字也宣六年此非弑君如何古文如與而通當從古爲如也成二年卻克跌魯衛之使今本跌作跌說文有跌無跌當以今本爲長然陸氏釋文音舜又丑乙達結二反从下二音當爲跌从舜音當爲跌石刻蓋據陸初音也襄廿七年攜其妻子而與之盟今本攜爲挈注云挈猶提也按上文已有挈其妻子何氏無注注于此

句之下知當爲攜字注中挈字亦攜之譌提攜爲疊韻故轉相訓也襄廿九年爾弑吾君今本弑作殺按下文云爾殺爾兄兄言殺君言弑詞有輕重之別亦石刻爲長也定元年不哀城也今本哀爲蓑說文衰訓雨衣衰正字蓑俗字亦當從石刻也惟成十年經無冬十月注云去冬者惡成公今石刻依左穀增入非何義矣

穀梁

穀梁十二卷襄公篇爲朱梁重刻成公篇重刻者居其半僖公篇亦似後來重刻却不避城字顧氏謂昭定哀三卷亦朱梁補刻則攷之殊未審矣隱元年貝玉曰舍石本與監本同顧氏謂石經作珠玉欲以糾刻本之誤豈其然乎定元年此該郊之變而道之也今本脫郊字石刻止存郊之變而四字以字數計之

郊計當有該字顧謂該誤爲郊又不然也
論語十卷願車馬衣裘衣下旁注輕字此宋人妄加攷北齊書唐邕傳顯祖嘗解所服青鼠皮裘賜邕云朕意在車馬衣裘與卿共敝蓋用子路故事是古本無輕字一證也陸氏釋文於赤之適齊節音衣爲於旣反而此衣字無音是陸本無輕字二證也邢疏云願以已之車馬衣裘與朋友共乘服是邢本亦無輕字三證也皇氏義疏云車馬衣裘共乘服而無所憾恨是皇本亦無輕字四證也今注疏與皇本正文有輕字則後人依通行本增入非其舊矣無求生以害人今注疏本人作仁而疏中仍有害人字蓋明人依朱本校改猶幸改之未盡以石刻證之益明白矣陽貨篇子曰巧言令色鮮矣仁九字皇本無之石刻亦

無此節宋人增注于旁非唐本之舊矣至如我三人行必得我
師寢不尸居不客漆雕之爲彫皆據陸氏釋文而顧氏以爲誤
何地入非其舊矣無本主以善入今其流本入於中而流中
亦無神字孝經以今其流本五文亦神字則對入於神
孝經一卷與今本無甚異同惟序文庶有補於將來石刻無於
字無藏云風以子之車訊太爽與四文共乘風長帆本衣藏
爾雅三卷文字與今本異者多勝於今本如釋詁底底止也釋
文底可禮反辰之視反後人疑其重出輒改底爲廢不知注中
替廢連文乃訓替爲廢非本有廢字也釋言楮柱也今本皆从
手旁按說文楮柱砥古用木故从木非从手也華皇也今本皇
在華上按釋文亦先華後皇釋天四氣和謂之玉燭今本氣作
時李善注文選引此文正作氣也釋艸孟狼尾今本孟爲孟荷
芙蓉今本渠爲藁澤烏蘋今本蘋爲蘘苧麻母今本苧爲苧蒙
王女今本王爲玉釋木味莖著今本味爲莖狄臧櫟今本臧爲
藏釋鳥鶯白鶯今本分楊鳥爲二字皆當依石刻正之

大泉寺新三門記 開成三年十一月

右大泉寺新三門記姚暮撰沙門齊操書在句容縣城內歐陽
永叔趙明誠王象之陳思諸家皆未著錄寶刻類編載沙門能
書者甚夥亦不及齊操近有邵陽褚峻撰金石經眼錄始一及
之文字完好唐碑如此者亦罕矣碑稱句曲之東崙峯之陽厥
生大泉寺因泉而題焉劉宋開明二年邑令顏繼祖捨宅移寺
南去泉五里而遙攷劉宋無開明之號蓋緇流無學傳聞多不
足信而暮乃承其誤而書之斯足嗤也泉篆文作泉象形此額

从曰从水誤甚

李珣題名 會昌五年五月

右李珣題名其文云郴州刺史李珣桂管都防禦巡官試秘書省校書郎元充會昌五年五月廿六日同遊時珣蒙口移郡之任桂陽校書以京國之舊邀引尋勝男前京兆府參軍階進士潛口指從凡九行自左而右刻於粵西之風洞甲辰歲袁簡齋游粵中搨以詒予攷新舊二史載珣罷相後事多相抵牾舊傳云武宗卽位之年九月與楊嗣復俱罷相出爲桂州刺史桂管觀察使三年長流驩州大中二年徵入朝爲戶部尚書出爲河陽節度使新傳云武宗卽位爲山陵使罷爲太常卿貶江西觀察使再貶昭州刺史宣宗立內徙郴舒二州以太子賓客分司東都遷河陽節度使今據此刻珣移郴州刺史在武宗會昌五年則新史云宣宗立內徙郴者已不足信舊史并脫漏移郴一節矣通鑑會昌六年八月以昭州刺史李珣爲郴州刺史宣宗以是年三月卽位與新史相應以石刻證之則新史與通鑑皆誤也據通鑑珣自桂管觀察貶昭州刺史舊武宗紀則云貶端州司馬初無長流之事舊傳云長流驩州尤誤新史云貶江西觀察使江西當爲桂管之譌因題此碑并牽連書之

岳林寺塔記 大中五年

右岳林寺塔記在奉化縣之岳林寺癸卯夏予爲浙東之游舟行過寺門外始一游焉寺有東西二小塔東塔嵌石一片乃大中五載僧君長所述記文稱女弟子傅氏二娘媿於朱室不幸所天早喪愛子又天惇然霜質而恪勤檀度後半殘缺不可讀矣其旁爲鐘樓縣銅鐘一元天歷三年鑄也

岳林寺塔銘 大中七年

右岳林寺塔銘在寺西塔佛像下隴西李柔撰首云大中七年歲在口子口月乙巳朔廿日甲子亦爲施主傅二娘而作文字尤剝落未數行書馬六娘傅二娘僧理宗等捨錢之數唐石刻存於今者尠矣此二塔記不見於王象之輿地碑目故表而出之

圭峯定慧禪師傳法碑 大中九年十月

右圭峯定慧禪師傳法碑禪宗自神秀慧能分南北二支而曹溪之教但行於嶺外迨荷澤會公說法西京而南宗始盛荷澤傳磁州如如傳荆南張傳遂州圓圓傳宗密密又得上都澄觀師華嚴疏而好之遂兼通禪教爲人天師所著禪源諸詮集起信論起信論鈔原人論圓覺經大小疏鈔具載唐書藝文志卽圭峯也碑敘六祖之傳惟荷澤江西二宗而不及青原蓋其時青原之學尚未大行厥後曹洞雲門法眼出乃尊青原與南嶽竝而祧荷澤爲旁支緇流之盛衰亦有數焉其云万行未嘗非一心一心未嘗違万行與濂溪一實萬分是萬爲一之說頗相似

道德經 景福二年孟秋

右道德經石刻在易州之龍興觀正書分兩面刻之碑末題唐景福二祀歲次癸丑孟秋月中元日又有易定節度及銀青光祿大夫檢校右散騎常侍御史大夫上柱國王等字龍興觀唐人刻道德經凡三本予皆得之此則王處存爲節度日所刻也如春登臺今板本作如登春臺唐人有登春臺賦或謂明皇本始誤予以所藏石臺注本校之則明皇本亦未誤此本及元人

樓觀石刻本春字亦在登字之上然則元明以後刻本始誤爾
詩款款方有穀蔡邕釋誨作速速方穀穀穀古蓋通用景龍本
及此本孤寡不穀之穀亦是一證

彭城郡王鐵券文 乾寧四年八月

右彭城郡王鐵券文廿五行行十四字券重百三十二兩廣尺
有一寸脩尺有八寸三分厚一分其文以黃金填之後九行漫
漶者大半今藏臨海縣白石村民錢文川家蓋武肅廿九世孫
也自忠懿納土其孫暄知台州有惠政子孫因居於台世守此
券宋元之際失而復得今距賜券幾及九百年而文字如新遺
苗猶什襲而珍之斯亦異矣鎮海軍節度本治潤州周寶爲部
下所逐奔杭州而潤遂無節帥景福二年武肅以杭州刺史除
鎮海節度使至是又兼領鎮東軍節度仍兼潤越等州刺史以

鎮海軍額在潤州也舊唐書昭宗紀乾寧四年九月癸酉朔制
以鎮海軍節度使錢鏐爲鎮海軍節度浙江東西道觀察處置
等使杭州越州刺史上柱國吳王攷其時鏐實兼鎮海鎮東兩
鎮而紀祇書鎮海軍所領者潤州刺史而紀書杭州皆其脫誤
且八月甫賜鐵券而九月旋有吳王之封除命頻仍亦恐未然
竊意吳王封號當在光化以後也

金剛般若波羅密經幢 天復三年七月

右金剛般若波羅密經幢在澤州府廣福寺後題云弟子李宗
伏爲累遭離亂骨肉團圓發願造寶林寺一所敬畫釋迦像一
鋪西方淨土一鋪維摩居士功德一鋪十王功德一鋪伏願諸
佛祐護家眷安寧百疾不侵時大唐天復三年歲次癸亥七月
十五日蓋此寺舊名寶林廣福乃金時敕賜額也天復之際汴

晉尋戈澤潞為戰場暴骨如莽而李氏一門室家無恙宜其歸
功於佛祐而不惜布金之施矣

余朱達墓碣

右余朱達墓碣廣平程彥矩撰題云唐故銀青光祿大夫檢校
太子賓客兼監察御史柱國河南余朱府君攷其歷官則始為
懷州軍事押衙改授山南東道節度散兵馬使改東都留守押
衙而已洪容齋續筆云唐自肅代以後賞人以官爵久而浸濫
下至州郡胥吏軍班校伍一命便帶銀青光祿大夫階殆與無
官者等明宗長興二年詔不得薦銀青階為州縣官賤之至矣
此余朱達正以軍校而帶銀青階者也達卒於江陵府無竟里
私第竟即歸葬同州澄城縣武安鄉碣已損一角有年月而不
得其紀年大約在中葉以後矣江寧嚴侍讀道甫游秦中榻以

見貽云石在邵陽縣西卅里朱家河自來收藏金石家所未見
也

王夫人墓誌

右王夫人墓誌頃歲虎邱僧掘地得之殘闕僅存一片其文有
云西北七里武邱山又云長子珣好事者因附會為晉中書令
王珣母墓錢唐袁簡齋以晉人不當預避唐諱疑為贗作然驗
其字迹似非宋以後所能為當是唐人誌石王夫人未知適誰
氏珣家世無可攷若以短簿實之則妄矣

南詔

大禮國鐘題字

右大禮國鐘題字文云維建極十二年歲次辛卯三月丁未朔
廿四日庚午建鑄攷唐書南詔傳宣宗崩使者告哀是時豐祐

亦死坦綽曾龍立憲朝廷不弔卹遂僭稱皇帝建元建極自號
大禮國唐宣宗以大中十三年己卯歲崩明年庚辰懿宗改元
咸通而曾龍之僭號亦在是年其稱建極十二年卽咸通十二
年也據溫公長歷是年三月恰是丁未朔通鑑以曾龍僭號繫
之大中十三年蓋失其實矣鐘之四周刻六天王五波羅蜜像
曰天主帝釋曰大梵天王曰增長天王曰廣目天王曰多聞天
王曰持國天王曰大輪波羅蜜曰勝業波羅蜜曰慧響波羅蜜
曰金剛波羅蜜曰智寶波羅蜜刻畫古朴非後人所及今在大
理府感通寺汾陽曹編修受之視學雲南拓以寄予滇中無古
金石刻此猶唐時所鐫得之亦足以豪矣

後唐

尊勝陀羅尼

天成三年四月

右尊勝陀羅尼石刻在澤州乾明寺後題大唐澤州晉城縣建
興鄉砂城里柒擗管義興邑都維那劉紹等伏爲一值戈鋌二
十餘載仰賴冥靈覆護皆獲安康遂去天祐十四年丁丑歲開
撥荒田重修此院功德裝塑已畢慶讚表歎週圓上願國祚遐
昌四塞寧謐先亾眷屬承此聖因見存生靈普獲安泰按唐僖
宗文德元年戊申李罕之自河陽奔澤州據澤者十載日以寇
鈔爲事及昭宗光化元年戊午罕之叛附于汴汴晉交兵日無
寧晷戈鋌相尋者幾及三十年迨天祐丁丑晉王已并魏博駸
駸有吞梁之勢而後澤民稍得息肩至後唐明宗天成三年距
丁丑又十餘年矣唐時諸縣以縣領鄉以鄉領里以里領管其
稱義興邑者社會之名碑末所列都維那維那邑老人邑皆主
此會者非郡邑之邑也冥卽冥字那卽那字撥卽撥字苟卽苟

字

後晉

聖字山崆峒巖記 天福五年七月

右聖字山崆峒巖記在澤州之鳳臺縣後晉天福初僧善閑居此砌造重閣三間厨舍兩間并塑觀自在菩薩一尊為文記之其云寶陀落山者即補陀落迦也碑末列邑老人邑人都維那赤白施主科木施主地主石匠姓名其書與作与洞作洞那作那匠作延延作延皆俗體閒架之閒與寬閒之閒皆當从月此碑三間兩間人間字竝从日俗體相承匪一朝一夕矣

後漢

父母恩重經 乾祐三年

右父母恩重經石刻前題大漢國兗州龔邱縣剛城村孤子孟知進造及妻李氏名上方有乾祐三年及孤子孟進字一人而或云進或云知進蓋名進而字知進爾唐人好刻尊勝經名山古刹所在多有不若此經足動人慈孝之心也五季惟漢祚最促石刻流傳者少予家收藏金石幾二千卷獨以未得後漢刻為憾癸卯歲曲阜孔戶部蒞谷搨此刻見貽忻然如百朋之錫乃報書未達而蒞谷奄為古人展讀此卷不知涕之何從矣

後周

陽城縣龍泉禪院記 顯德三年九月

右陽城縣龍泉禪院記前記澤州司法參軍徐綸撰紀僧順慙勅興此院及乾寧元年賜額之事後題云大周開基之二載歲直壬子蓋廣運二年也後序鄉貢進士王獻可撰述顯德初毀廢佛寺此院以乾寧敕賜額得存之由按五代會要顯德二年

諸州供到僧帳見存寺院二千六百九十四所廢寺院凡三萬
三百三十六當時琳宮梵宇什不存一斯院之不見毀幸矣獻
可書修整有唐人法度釋氏書以周莊王十年四月夜恒星不
見爲釋迦降生之祥故記有周禎載驗之語本述前代而碑於
周字軌跳行書之豈以郭氏自稱號叔之後與姬周同出故邪
眠卽毗字

南漢

龔澄樞造鐵塔記 大寶六年五月

右龔澄樞造鐵塔記塔在廣州光孝寺其文云王清宮使德陵
使龍德宮使開府儀同三司行內侍監上柱國龔澄樞同女弟
子鄧氏三十二娘以大寶六年歲次癸亥五月壬子朔十七日
戊辰鑄造永充供養凡七行世所傳者惟西一面文乾隆甲午

夏益都李文藻素伯諦觀東南北三面鐵繡中隱現有字募人
錐出揚之文皆與西面同而每行字數有多寡蓋非一範也素
伯又爲文記塔之形製云塔自石趺以上高丈有九尺六寸石
趺四重刻獅獸鐵趺四重一作瓦檐形二作龍戲三珠縮其地
廉外爲四人首戴第三重如鼉屬狀三重亦刻花紋四重周作
蓮花四面各闊四尺六寸爲瓣九中一瓣刻文於上白蓮花瓣
以上凡七層以次而狹皆鑄佛像最上闊不過二尺又上爲蓮
花頂每層大佛一衆小佛環之每面七層計二百五十佛四之
則千佛矣下二層佛旁有字梯而視之第一層東曰釋迦佛西
曰彌勒佛南曰彌陀佛北曰藥師佛藥師佛者釋家謂之功德
佛其造塔者自況乎第二層東盧遮那佛南盧舍那佛西牟尼
佛北毗舍浮佛它佛名皆刻佛左而此獨刻佛右塔頂似有字

勢甚危不可梯也

造千佛寶塔記

大寶十年四月

右造千佛寶塔記在光孝寺之東院寺僧以灰填其文而塗金於外謂之金塔記在塔之西面凡八行文云大漢皇帝以大寶十年丁酉歲敕有司用烏金鑄造千佛寶塔壹所七層并相口蓮花座高二丈二尺保龍口有慶祈鳳歷無疆萬方咸使於清平八表永承於交泰然後善資三有福被四恩以四月乾德節設齋慶讚謹記其北面西隅題名二行云內殿大僧錄教中大法師金紫光祿下缺檢校工部尚書曉真大師沙門臣道口東隅題名二行云教中大法師內供奉講經首座金紫下缺夫檢校工部尚書寶法大師沙門臣下缺南面東隅題名二行云教中大法師內下缺大夫檢校工部尚書口法大師沙門臣下缺

西隅題名三行漫漶不能讀其可辨者造塔字軍營字陽宮使字秀字宮使字指搗字宮門字點檢字將軍字開國伯食邑七百戶臣字東面南隅題名二行可辨者教中大法師字大夫檢校字西面兩隅及東面之北隅皆無刻文予所藏者李素伯手搨之本視它家特為完善故紀其文以正向來紀載之謬寺之西院有龔澄樞所造鐵塔先於此塔四年亦非奉敕所造朱錫邕謂劉鋹所鑄二塔竝立一屋中一作記一題名者誤也此塔題名六人惟所謂宮使者似是內侍之職餘皆沙門爾朱以為皆宦者亦誤

南唐

祈澤寺殘碑

保大四年十月

右祈澤寺殘碑寺在江寧通濟門外三十里地屬上元縣戊戌

十月予以訪碑至此山高五十丈石骨森立詭異萬狀前望土
山後接青龍山左招天印右引長干頗據登臨之勝且在官道
旁而游屐顧罕到者碑已碎裂僅存中間一段有云保大三年
起首迄於四載興功又云昇元歲末保大惟新知其爲南唐碑
也予初見碑中有宋代字疑爲宋初刻及讀元僧伯元所撰記
云寺建于宋營陽王義符景平元年始悟碑云宋代乃追敘之
詞謂劉宋非趙宋也觀碑文匡字並未回避其爲南唐石刻無
疑碑載會首姓名有嚴二娘張十六娘夏八娘戴五娘張八娘
嚴四娘吳四娘薛六娘等錯列于男子之中與大安寺鐵香爐
題名正同使秀水朱氏見之又當譏爲丁口無別矣

龍興寺鐘銘

乾德五年二月

右龍興寺鐘銘在南昌府城內百花洲西鐘樓首題安邊忠武

功臣宣猛將軍前守池州刺史池州團練使寧化軍節度副使
在城馬步都軍使知揚州軍府事武信軍節度使鎮海軍節度
使寧國軍節度使建武軍節度使守左不衛軍統軍本軍都軍
使國城都城修開城濠都檢校使武昌軍節度使兼營口使靜
江軍節度使知南都留守檢校太尉兼侍中南昌尹開國侯食
邑一千戶林仁肇捨俸重鑄龍興寺銅鐘一口永充供養蓋仁
肇在南昌所鑄結銜并敘前所歷官與它刻異陸氏南唐書本
傳但云爲潤州節度使徙鄂州又徙南都留守而已鎮海軍潤
州也武昌軍鄂州也寧國軍宣州也建武軍揚州也皆在南唐
管內若武信軍之爲遂州靜江軍之爲桂州則非江南所有意
者遙借其名以寵勳臣乎或曾別置鎮於境內而史失載乎寧
化軍則史傳別無可攷意亦李氏所置也

潛研堂金石文跋尾續卷第三
本業寺碑 乾德五年七月

右本業寺碑僧契撫撰東山任德筠書石已中斷而文義猶連屬可讀李氏三世好文學金陵又其都會之地石刻見於陳思所錄者甚夥今惟存此爾寺在麒麟門外以僻左人跡罕到嚴公子子進募工搨數本以其一遺予其書梁天監為鑿輻湊為福蔣嶠為籀也蔣中闕作闕恩作息皆宅碑所未有

潛研堂金石文跋尾續卷第三
右嵩山會善寺重修佛殿碑開寶五年閏二月

潛研堂金石文跋尾續卷第四
利 嘉定錢大昕

右嵩山會善寺重修佛殿碑翰林學士初請大夫尚書兵部郎中知制誥柱國賜紫金魚袋王著撰前攝大理評事王正己書宋初有兩王著一為單州單父人字成象官翰林學士一為京兆渭南人字知微官翰林侍書宋史皆有傳此碑撰文之王著職居學士非太宗時模勒閣帖者也著傳云開寶二年卒而碑立於五年閏二月著已先卒矣正己書法亦孫崇望之流而不通文義碑文有隋開皇字誤於皇字上空二格

右龍興寺碑在同州府字畫完好獨不署撰書人姓名讀其文

知撰人名帖而已文稱府主連帥太師又云門下平章之命禁
殿宣麻致之宋史則馮繼業時爲定國軍節度使史不云檢校
太師及加中書門下平章事也宋初沿五代之制藩鎮之權尚
重繼業在周已歷節鎮名位久顯寵以三公使相之號不足爲
異然本傳竟不一書未免失之太畧繼業在同州吏民嘗爲立
遺愛碑今不復傳矣宋史馮繼業傳
太平興國三年五月
右福嚴院中書門下牒在澤州鳳臺縣之硤石山本青蓮寺上
院宋太平興國中賜額敕尾列銜者三人中書侍郎平章事盧
者盧多遜也右僕射兼門下侍郎平章事者沈倫也左僕射兼
門下侍郎平章事者薛居正也三人皆宰相薛沈官至僕射故
不書姓凡中書門下牒宰臣皆署押年月上鈐以印此碑無印

與押者刻石時但錄其全文未將錄黃鈎摹也鉅野姚半塘游
澤州搨以遺予且言同時法輪院亦有賜額敕牒與此刻相同
附記於此

新譯三藏聖教序

端拱元年

右新譯三藏聖教序太宗御製蓋爲西域僧天息災等譯經而
作攷宋史雍熙二年十月丙午以天竺僧天息災施護法天並
爲朝請大夫試鴻臚少卿蓋獎其譯經之勞也碑爲沙門雲勝
書後列涪州觀察使知永興軍府事柴禹錫等名則李邈所書
然隸法如出一手宋史鄭文寶傳授陝西轉運副使內侍方保
吉出使陝右頗恣橫且言文寶與陳堯叟交游爲薦其弟堯佐
驛召令辯對上書自明太宗察其事坐保吉罪厚賜文寶而遣
之此碑末有祇候高班即班內品提點酒稅方保言次文寶之

後豈卽其人乎吉言字形相近當是轉寫之譌禹錫官檢校太保史亦失書

景德寺中書門下牒并澤州帖

景德四年十二月

右景德寺中書門下牒并澤州帖在澤州丹水山本名慈善寺景德四年敕賜景德寺爲額牒尾書押者曰右諫議大夫參知政事趙曰兵部侍郎參知政事馮曰工部尚書平章事王以宋史宰輔表考之蓋王且馮拯趙安仁也拯以景德二年自工部侍郎參知政事其由工部轉兵部則表畧之牒以十一月下而澤州帖以十二月下帖尾知軍州事石判官葉推官趙錄事參軍王司戶參軍孫五人皆有押其序自左而右知州列銜獨高判推僅及其半錄事司戶又下之牒上有中書門下印一方帖上有澤州印三方宋世公文之式蓋如此碑末有金泰和八年

十一月僧善雲立石字

涇州回山王母宮頌

天聖三年三月

右涇州回山王母宮頌凡兩本一爲南岳宣義大師夢英行書一爲度支員外郎知軍州事上官佖篆書予皆得之其文無一字異也長編紀事本末載乾興元年七月戶部判官度支員外郎上官佖坐丁謂黨知晉州此碑立於天聖三年蓋由晉州徙涇州矣

蕭山縣夢筆橋記

天聖四年三月

右蕭山縣昭慶寺夢筆橋記在縣城覺苑寺宋初寺名昭慶後改爲覺苑也相傳寺爲江淹故宅橋在寺門外故有夢筆之名記文爲太常寺奉禮郎簽署蘇州觀察判官廳公事葉清臣撰宋史本傳云簽書蘇州觀察判官事蓋治平以後史臣避英宗

澤州金石文跋尾續卷第四
三
嫌名改署爲書爾京兆小學規碑亦有大理寺丞簽署觀察判
官廳公事李縉名碑不稱大宋而稱巨宋與它刻異

護國寺碑 天聖九年七月

右護國寺碑癸卯夏予游天台宿此寺遙望穹碑佇立野田閒
亟往觀之惟碑額天台護國寺碑銘八篆字尚完好餘俱漫
漶不能讀太息久之周視碑陰有熙寧九年晁美叔題名意此
碑必宋初物頃台郡守黃見滄拓其文見貽諦審之有天聖九
年歲次辛未七月字碑首刻銜武勝軍節度同中書門下平章
事判河南字仿佛可辨以史考之知爲錢文僖所撰無疑也文
僖與懿集三十卷今已不傳此碑雖歸朕獨存亦幾於安沒字
矣

澤州龍堂記 天聖九年七月

右澤州龍堂記記爲知州事王世昌亮采禱雨有應而作文云
高都郡西南二里有古潭其廣百尺唐刺史温璠因歲旱詢於
耆艾云此實龍泉遂命開鑿致禱而雨洎由是建祠於側則龍
泉之祠始於唐矣宋初巡檢爲在外典軍要職故郭進以西山
都巡檢使立功邊境此碑末列名有西頭供奉官兵馬監押兼
在城巡檢楊德政左班殿直澤州管界并連太行山一路巡檢
何懷德一州置兩巡檢官冗而權輕武功之不振有自來矣

長城葆光等題名 明道二年六月

右長城葆光等題名其文云長城葆光高平希文師古潁川天
經太原子融子野陳留商叟天水元甫子淵滎陽天休清河子
思昌黎稚圭廣平子京河東伯垂餞南陽道卿出守嘉興於鉅
鹿介之北軒明道二年六月十七日曼卿書希文者范文正公

也稚圭者韓忠獻公也子京者宋景文祁也天休者鄭文肅散也子融者王曾之弟皞子思者張知白之嗣子道卿者葉清臣也曼卿者石延年也此刻當在汴都久已不傳慶元初新安朱晞顏轉運廣西重刻於龍隱洞之石

延慶禪院舍利塔記 景祐三年六月

右延慶禪院舍利塔記前題應賢良方正能直言極諫科奉直郎守殿中丞騎都尉賜緋魚袋馬元穎撰碑末又列奉直郎守殿中丞知河陽濟源縣事兼兵馬都監騎都尉賜緋魚袋馬元穎名前以撰文故標制科後以立石故書縣職所謂言各有當也宋人由制科入等得官者甚多以應科繫銜獨元穎一人爾書石者為江陵楊虛已自云習晉右將軍王羲之書與汴陽縣

普濟禪院碑同

陳述古題名 寶元二年九月

右陳述古題名左行十六行文云太平興國六年先祖太師中令秦國公宰邑茲土時孟父中令大人太尉相公季父太尉康肅公並肄業精舍祥符九年孟父中令公引罷樞府相國出判三城天聖六年述古倅白波漕此下似與仲弟殿省丞求古師是發字之同遊今忝運局使領之任率前淮安從事尹宗濟載之前三堂盧川令韓襲紹先專謁靈祠復此憩止稚子祝史知雄知方知白守芸校知十已下六人待行時寶元己卯登高前五日尚書金部員外郎陳述古行之題其下有小字二行云後治平丙午歲重五日男將仕郎守孟州濟源縣尉知素立石秦國公者陳省華也中令者堯叟也太尉相公者堯佐也太尉康肅公者堯咨也宋史於堯叟書贈侍中不云中書令堯佐書贈司空兼

侍中不云贈太尉中令班侍中之上太尉班司空之上蓋後來
加贈而史失之爾歐公撰堯佐神道碑以述古求古為堯佐子
與石刻合而史於堯咨傳末乃云子述古太子賓客致仕博古
館閣校勘似述古博古為堯咨子則誤之甚矣祝史謂太常寺
太祝芸校謂祕書省校書郎皆以蔭敘入官者

重刻栖霞寺碑

康定元年三月

右重刻栖霞寺碑本江總持文韋霈書唐會昌中碑毀今所存
者宋康定元年沙門懷則重書也按總持自序稱年二十餘入
鍾山就靈耀寺則禪師受菩薩戒暮齒官陳與攝山布上人遊
款深悟苦空更復練戒故題衡有菩薩戒弟子之稱霈官翊前
會稽王行參軍世未解翊前為何語予考陳書後主之第八子
莊封會稽王禎明二年除翊前將軍楊州刺史則霈卽莊之屬
吏當時皇子封王者必除都督刺史加將軍號乃得開府置百
屬故加翊前於會稽王之上也梁時置翊左翊右翊前翊後四
將軍在第二十班今人知其名者尠矣

石氏世表

康定二年八月

右石氏世表石介撰士建中書歐陽公撰介墓表稱父丙官至
太常博士而此表云仕至太子中舍與歐表異歐表介有子師
訥此云介生彭哥川哥徠哥蓋各舉其小字未審誰為師訥也
孫明復寄范天章書云今有大名府魏縣校書郎士建中南京
留守推官石介二人者其能知舜禹文武周公孔子之道者也
非止知之又能揭而行之者也執事若上言於天子次言於執
政必能恢張舜禹文武周公孔子之道以左右執事教育國子
丕變於今之世矣建中學行與介齊名當亦奇士而學於明復

者仕至兵部員外郎史不爲立傳後世無述焉驗其書法亦自不俗

周湛等題名

慶歷二年三月

右周湛等題名在肇慶府七星巖其文云提點刑獄周湛同提點刑獄錢聿知郡事包拯同至慶歷二年三月初九日題按宋史周湛傳提點廣南東路刑獄初江湖民畧良人鬻嶺外爲奴婢湛至設方畧接捕又聽其自陳得男女二千六百人給飲食還其家則湛固有德於嶺海者今人但知包孝肅之治跡而罕識湛姓名故表而出之

重修北嶽廟記

皇祐二年正月

右重修北嶽廟記推誠保德功臣資政殿大學士光祿大夫行給事中充定州路都部署兼安撫使兼知定州軍州事及管內

制置營田勸農使上柱國南陽郡開國公食邑三千戶食實封肆伯戶韓琦撰并書朝奉郎太常博士通判定州軍州兼制置營田及管內勸農事上騎都尉信緋錢貽範篆額按文獻通考慶歷八年詔置河北四路安撫以韓琦王拱辰賈昌朝等充諸路使四路謂魏瀛鎮定四州也定州置安撫蓋昉於此宋初節度使領馬步軍都部署其後守臣帶一路安撫使者皆帶馬步軍都部署故有帥臣之稱英宗以後避御名改爲都總管宋史職官志定州兼安撫使馬步軍都總管據後改名書之也此碑結銜內已有制置之名而馬端臨謂安撫帶制置自建炎三年浙西康允之始考之似未審矣

祖無擇題名

皇祐二年孟秋

右祖無擇題名在南海廟韓碑之陰其文云皇祐二年孟秋庚

寅偕陸仲息子強丁寶臣元珍李徽之休甫王逢會之劉竦子
上謁廣利王夕宿廟下祖無擇嘗為提點廣東刑獄廣南轉運使
僧宗淨同行考宋史祖無擇嘗為提點廣東刑獄廣南轉運使
故嶺南多擇之題名而此刻尤為完好廟中又有皇祐三年十
月無擇與李樞李徽之田聿柳洪等題字在元延祐祀海碑之
側翁學士嘗疑之以為宋人不應題於元碑之側予謂此必唐
宋舊碑為元人磨去惟兩側偶未毀爾丁寶臣晉陵人皇祐初
以太常博士知端州見王介甫所撰墓志王逢當塗人嘗為南
雄州軍事判官見宋史文苑傳

崇教寺碑支佛塔記

皇祐二年八月

右崇教寺碑支佛塔記在江寧之牛首山記刻於皇祐二年長
子圓照大師普莊為文都元敬遊牛首山記謂不著撰人者考
之未審爾山有辟支洞相傳辟支迦佛宴坐之所辟支迦唐云
緣覺也碑書插為插浴為潛无為无皆宋時俗體

京兆府小學規

至和元年四月

右京兆府小學規後題忠武軍節度使特進檢校太尉知軍府
事文而不名者潞公彥博也潞公以前宰相知府事故題銜較
通判以下特大而不署名凡節度使必帶檢校官宋史彥博傳
不云檢校太尉者畧之也宋史職官志慶歷四年始置教授委
運司及長吏於幕職州縣內薦或本處舉人有德藝者充蓋其
時諸州教授皆由本路薦辟不奉朝旨故胡瑗教授蘇州不見
於本傳據此碑蒲宗孟嘗為京兆府教授本傳亦未之及也宋
時有崇政殿說書及王府說書據此刻則府學亦有說書矣裴
稔書學顏清臣而得其形似其書於作於則它碑無之

李師中詩 嘉祐七年十一月

右李師中詩石刻在粵西龍隱下巖其序云師中嘉祐三年九月受命來嶺外七年十一月得請知濟州感恩願已喜不自勝留詩四章以志歲月以史考之蓋自提點廣西刑獄攝帥事除知濟州時作也第三章云乞得衰身出瘴煙一麾仍許視于藩注云蒙恩理作轉運使考宋制提刑資序在轉運之下知州又在提刑之下若大州輔郡則侍從以上亦得差遣以爲優賢佚老之地非尋常知州可比濟州地近京邑名爲知州恩數實視轉運使故云許視于藩也

余藻題名 治平元年仲冬

右余藻題名凡九行刻於龍隱下巖文云大宋治平元年仲冬廿七日同轉運判官孔延之長源前安撫司勾當公事姚原道彥聖新知冀州丁錚希聲自壽寧院抵慶林觀少休風洞上登栖霞洞却下漾檝泊龍隱巖肴觴嘯詠曰薄西渡提點刑獄余藻質夫因書遊覽之勝刻於崖右考東坡集有孔長源挽詩施元之注以爲長源名延世查氏據曾子固所撰墓志以爲名延之今以此刻證之知施氏考之未審矣

孫宣公神道碑 治平二年三月

右孫宣公神道碑撰書人姓名已殘闕而結銜尚可辨其云推誠保德崇仁守正忠亮佐運翊勳功臣鳳翔節度管內觀察處置等使開府儀同三司檢校太師行尚書左僕射兼侍中鳳翔尹判大名府兼北京留守司事畿內河堤勸農同羣牧使充大名府路安撫使駐泊馬步軍都總管上柱國魏國公者賈昌朝也文中亦有昌朝兩字其爲賈所撰無疑其云門生翰林侍講

學士朝散大夫右諫議大夫上輕車都尉南陽郡開國侯楊者以史考之當是楊安國安國以宣公薦為國子監直講故有門生之稱其云翰林學士朝散大夫守尚書吏部郎中知制誥兼侍講充史館修撰判國子監同提點集禧觀事上騎都尉祁縣開國男王洙則篆額者也宣公卒年七十二封樂安郡公贈太尉皆史所應載而失載者

蕭山大悲閣記

熙寧元年十一月

右蕭山大悲閣記題云錢唐沈遼撰不言何人所書叡達以書名家此碑筆力整勁必叡達自書矣碑未題云朝散大夫守光祿卿直昭文館知福州軍州事兼管內勸農使兼福建路屯駐駐泊兵馬鈐轄護軍永安縣開國男食邑三百戶賜紫金魚袋程師孟立考宋史師孟傳但書直昭文館而不書光祿卿蓋其時以館職為重寄祿官為輕故有寧登瀛不為卿寧抱輦不為監之諺然諫議給事亦皆寄祿官也師孟知廣州日轉諫議大夫見於石刻傳亦不書及召還判都水監時為給事中則又仍舊文而不刪此則義例之踈也

吳中復題名

熙寧七年

右吳中復題名在西安慈恩塔八分書甚有法其文云資政殿大學士知越州趙抃度支郎中轉運使皮公弼太常少卿知同州母沆太常博士提點常平倉章棻同登慈恩塔過杜祁公家廟遂會於興慶池館熙寧七年仲冬二十有二日龍圖閣直學士知軍府事吳中復題按趙閱道以熙寧三年四月自政府乞罷改資政殿學士知杭州後改青州召見以大學士再知成都乞歸知越州此題乃由成都移越道經京兆時也中復知永興

軍棗提舉陝西常平俱見宋史本傳公弼任陝西轉運使亦見食貨志杜祁公衍家越之山陰晚年退居南都卽今之歸德府也似不當立家廟於長安且北宋大臣罕有立家廟者或別是一人非衍也

蘇子瞻題名

熙寧

右蘇子瞻題名在諸城縣學其文云禹功傳道明叔子瞻游不署年月考蘇公年譜熙寧七年甲寅秋自杭州通判除知密州九年丙辰十二月移知徐州諸城在宋爲密州此刻在甲寅以後丙辰以前無疑矣禹功者喬太博敘傳道者章教授傳明叔者趙教授杲東坡集中並有唱酬之作此刻不言何人所書而予決其爲坡書者是時喬爲寓公章趙爲校官以班資言之皆宜在郡守之下惟出於公自書故可謙退居後它人則嫌於僭

矣東坡分隸世所罕見此九字可謂文豹之一斑也

會真宮詩題跋

熙寧十年丙午月

右會真宮詩題跋詩爲种明逸所作題於後者二十餘人或真或行或篆或隸或飛白胡宗回李宗諤宋綬韓退李孝昌邵餗唐異蘇子美魏閑范仲淹王洙歐陽修蔡襄程戡梅堯臣韓琦沈邁張伯玉楊傑皇甫邁皆當時鉅公其云越者周越也曼卿者石延年也祕演則曼卿之友而僧者也才翁者蘇舜元也不疑者邵必也廣淵者王廣淵也熙寧丁巳譚述敘而刊諸石今神書已亡惟題跋二石尚存李南澗云石舊在泰安之會真宮今移東嶽廟環咏亭壁間

曾布等題名

元豐元年正月

右曾布等題名在廣東學院公廨後圃九曜石上予以甲午冬

奉使到此每公事小暇卽徙倚其閒摩挲題字徘徊復不知日之移晷因歎曾子宣爲子固之弟風流儒雅輝映一時不幸附和紹述致位宰相史家遂入之姦臣之列所得幾何乃蒙千載詆病然子宣雖不爲公論所與而能與章惇蔡京立異亦張天覺之流也天覺既可列傳曾獨不可列傳乎若史彌遠之姦邪甚於侂冑而轉不在姦臣之數史家於此未免上下其手讀史論世者所以不可無識也宋史曾布傳元豐初以龍圖閣待制知桂州據此則知廣州日已遷待制矣題稱廣東經畧安撫使而不稱知廣州者以使職爲重起居舍人其寄祿官也轉運副使二員其寄祿官一爲都官外郎一爲屯田外郎稱外郎而去員字它刻所罕見也

表忠觀碑 元豐元年

右表忠觀碑碑凡八片今存四片又失其下截每行止十一字然筆法方整俊偉比之蔡君謨有過之無不及坡公最用意之作也石在杭州府學乾隆辛酉歲掘地得之湖上錢王祠有明人重刻本文雖完好特優孟之衣冠耳

曾布題名 元豐二年

右曾布題名文云南豐曾布己未上巳盡室泛舟歷覽東觀出穴之勝遂游雉山凡四行篆書刻於龍隱下巖己未者元豐二年其時子宣由廣州移知桂州矣

陳倩等題名 元豐三年十二月

右陳倩等題名文云元豐三年十二月初五日權本路轉運使朝散大夫直集賢院陳倩君美權荆湖南路轉運使朝奉郎直集賢院朱初平仲隱權發遣提舉本路常平等事光祿寺丞劉

誼宜父同游曾公巖時仲隱誼父瓊筦體量安撫回歸任會此
凡十六行刻於粵西之曾公巖其云本路者廣南西路也宋史
職官志言官人受授之別有官有職有差遣官以寓祿秩敘位
著職以待文學之選而別爲差遣以治內外之事此刻所云轉
運者差遣也朝散朝奉者寄祿官也直集賢院者帖職也宋初
省臺寺監之官但以寄祿而無職守元豐三年九月改定寄祿
格以階易官由是六曹九寺各還其職此刻陳朱二人題銜已
遵新格獨劉誼不稱宣義郎而稱光祿寺丞豈帶職事官而出
使邪宋史食貨志元豐三年中書言廣州市舶已修定條約宜
選官推行詔廣東以轉運使孫迥廣西以陳情清乃倩字之譌
當據石刻正之朱初平之名見於宋史蠻夷傳又食貨志熙寧
中有湖南提點刑獄朱初平蓋由提刑遷轉運也

時仲等題名 元祐丙寅季春

右時仲等題名在九曜石米書之左三人皆稱字而無姓名予
見九曜池中又有一石石上有李之紀仲明吳荀翼道張升卿
公詡蔣之奇穎叔四人名乃元祐二年三月所題則此刻稱公
詡者升卿也又攷中吳紀聞稱孫載字積中神宗時除廣東路
常平哲宗卽位諸路常平官廢赴京師授通判陝州遷廣東轉
運判官此刻稱積中者載也惟時仲無可攷孫公吾鄉先正登
治平進士第好汲引士類晚歲以嘗薦元祐黨人乞祠歸而宋
史不爲立傳茲得其題名因表而出之

游師雄題名 元祐三年五月

右游師雄題名三通俱在同州府褚書聖教序碑陰其一題元
祐三年五月而不著官職以宋史本傳推之當是任陝西轉運

判官時也其一題元祐甲戌中和節後一日稱權發遣轉運副使公事甲戌者元祐九年也阿房宮賦石刻有師雄跋立於元祐八年亦稱權發遣轉運副使公事本傳云為陝西轉運使蓋脫副字宋時外任差遣資淺者加權字尤淺者則稱權發遣某官公事史家皆畧而不書惟石刻一一書之章棗時以直龍圖閣知同州故有章龍圖之目自時中官同州學教授亦史傳所未及

王評題名 元祐三年八月

右王評題名在西安府慈恩塔文云承議郎新通守清江郡事瑯琊王評漢卿奉使岐雍展先學回登慈恩塔元祐三年秋八月上澣題按漢制公卿以下皆五日一休沐唐會要永徽三年上以天下無虞百司務

則唐時十日一休沐矣休沐亦謂之休澣唐書劉晏傳質明親事至夜分止雖休澣不廢是也宋時百官旬假循唐故事故有上澣中澣下澣周益公撰光堯丁亥本命道場滿散朱表有日踰中澣之句攷其日乃十月二十一日又撰四月十八日丁亥本命道場朱表亦云日近中休然則每月之二十日為中澣日上澣必月之十日矣一旬之中止一澣日今人以上澣中澣下澣當上旬中旬下旬既失其旨又休澣惟有官人乃可用之不當通之士庶也漢卿當是駙馬都尉誥之昆弟

宸奎閣記 元祐六年正月

右宸奎閣記東坡知杭州日所書其結銜云龍圖閣學士左朝奉郎知杭州軍州事兼管內勸農使充兩浙西路兵馬鈐轄兼提舉本路兵馬巡檢公事武功縣開國子食邑六百戶輕車都

尉賜紫金魚袋臣蘇軾撰宸奎為藏仁宗御書之所此記雖非奉敕經進而言必稱臣昔賢之謹慎如此鈐轄與巡檢皆掌兵之職而各為一司宋史職官志云臨安府舊為杭州領浙西兵馬鈐轄不云兼木路兵馬巡檢則失之太畧矣唐宋人結銜勳官在封爵之上此獨在爵邑之下與它碑異碑久失傳明萬歷乙酉溫陵蔡學易知寧波府訪范侍郎欽得舊榻木雙鉤重刻然范所藏亦是元時翻本予登天一閣曾寓目焉

會布雲門山題名 元祐六年閏八月

右會布題名在雲門山南壁佛龕上其文云龍圖閣學士知青州魯郡侯會布右朝奉大夫通判青州事胡之邵崇儀使管勾南京鴻慶宮董佶左承議郎東路提刑司檢法官陳晬左承議郎簽書節度判官高昌庸左奉議郎知益都縣李植觀察推官

賈大成州學教授劉章元祐辛未閏八月望遊此遂至石子澗是日魯侯六子縲紆絢紱紳 孫念盡室奉蓋昌君從行凡十 一行趙秋谷謂是紆所書特以意度之爾予在粵東見布九曜石題名筆意與此相似紆字公袞號空青居士布封魯郡侯宋史本傳失書

黃履金陵雜詠 元祐

右黃履金陵雜詠凡一十九首題銜稱左朝請郎充天章閣待制知江寧軍府事而不署年月其首一篇題云閏八月十日回運使正仲大夫提刑若愚司封運判全玉朝奉遊雨花亭考景定建康志履以元祐六年八月到官是年恰閏八月與詩題合又有和違判張德父燈夕不赴詩則次年春所作也予向意上澣為月之十日而未有據今讀履詩云閱月稍豐暇清晨適逢

休則十日爲休澣之期信矣永慶寺觀陳井詩有龍沈景陽井
欄刻惟存戒之句此辱井所在之證今城西北有永慶寺未審
卽其故址否王象之輿地碑目謂陳景陽宮井欄石刻唐人書
今在行宮南渡之行宮卽舊江寧府治也或者元祐以後守臣
之好事者移永慶之石欄置之郡治歟惠烈廟祀蔣子文本在
孫陵岡故有山北迢迢十里餘之句明初改立廟於雞鳴山而
故廟遂廢紫極宮今之朝天宮也中有鍾阜軒則郡志所未載
華藏此君亭未詳所在周沔字潮宗蘇州人元祐三年李常寧
榜進士

王詵題名 元祐癸酉

右王詵題名在西安府慈恩塔其一云駙馬都尉王詵再遊元
祐癸酉凡十二字筆勢縱逸似

晉卿凡八字晉卿宋初功臣金鑿之裔全斌子審鈞爲永興軍
駐泊都監因家京兆晉卿於審鈞爲曾孫則京兆乃其故鄉又
考王評題名有展先瑩之語則晉卿之屢游慈恩始亦以展禮
先瑩之便歟

胡宗回等題名 紹聖乙亥季秋

右胡宗回等題名其文云朝請大夫直龍圖閣知桂州兼經畧
安撫胡宗回醇夫朝奉大夫轉運副使程節信叔朝奉郎提點
刑獄曹輔子方朝請郎轉運判官程遵彥之邵承議郎提舉常
平徐常彥和紹聖乙亥季秋甲辰同游凡十行刻於曾公巖洞
左壁宋時轉運提刑常平皆爲監司之官據此刻知轉運副使
班在提刑之上運判在提刑之下常平又在運判之下也知州
本在監司之下若大州兼安撫使者多以侍從貴臣充之資望

又在監司之上故列名在前乙亥紹聖二年也考哲宗紀紹聖二年四月詔職事官罷帶職朝請大夫以下勿分左右此刻朝請朝奉上不加左右字蓋用新制宗回以知州得帶直龍圖閣者外任差遣與在京職事官不同也曹子方海陵人元祐中嘗任福建轉運判官與蘇子瞻唱和宋史列傳有曹輔字載德南劍州人此別是一人同姓名爾宋史又有程之邵字懿叔仕哲徽兩朝史不言其曾官廣西此程遵彥亦字之邵一字一名偶爾相同猶陳襄字述古而同時別有陳述古也東坡集中有送簽判程朝奉新茶及送程之邵簽判赴闕詩施元之注程朝奉名遵彥舉進士簽書杭州節度判官在東坡幕府二年公再入翰林薦之於朝擢宗正丞後使廣西入為祠部郎提點兩浙刑獄

仁壽縣君蘇氏墓誌

紹聖四年十月

右仁壽縣君蘇氏墓誌湖北轉運使祕閣校理趙揚

揚字不全之妻

廣西轉運使贈禮部侍郎蘇安世之女也慶歷中歐陽永叔以

孤甥事為言者所訐安世為三司戶部判官直其寃以是知名

而史不為立傳王荆公為安世墓志云女子五人其適單州魚

臺縣尉江山趙揚者即仁壽君也劉次莊元祐中御史嘗模刻

閣帖於臨江軍又為釋文十卷行世顧其書世不多見此誌特

完好文與書法皆可觀在江寧城外祈澤寺壁間

章聖皇帝御製詩記

紹聖四年十月

右章聖皇帝御製詩記碑分三層上刻真宗賜賀蘭栖真詩中刻栖真像下刻張閏記宋史方技傳栖真始居嵩山紫虛觀後徙濟源奉仙觀景德二年遣入內內品李懷贊召赴闕既至真

宗作二韻詩賜之號宗元大師卽此詩也記稱章聖皇帝卽位之七載聞栖真道術甚高發使者詔至京師則當爲景德元年相校差一年史稱號宗元大師而記作宗真蓋後來避聖祖諱追改也真宗嘗問栖真人言先生能點化黃金信乎對曰陛下聖德睿明富有四海可謂真天子矣臣願以堯舜之道點化天下方士僞術不足爲陛下道也此語當載入本傳其壽百一十三歲亦史所未及

施瀛墓誌

紹聖四年十一月

右施瀛墓誌在宣城縣左朝議大夫充寶文閣待制知杭州軍州充兩浙西路兵馬鈐轄兼提舉本路兵馬巡檢公事上柱國隴西縣開國子食邑六百戶賜紫金魚袋李琮撰朝奉大夫知洪州軍中兼管內勸農事充江南西路兵馬鈐轄上護軍借紫

張綬書朝散大夫管句洪州玉隆觀護軍文安縣開國子食邑六百戶賜紫金魚袋顧臨篆蓋續以父蔭補太廟齋郎嘗知鄆州壽張縣改簽書鎮南軍節度判官加奉議郎賜緋魚葬仁義鄉響山之原琮字獻甫臨字子敦宋史皆有傳臨爲管句玉隆觀則史所不載也誌文完好如新書法亦佳宣城孫生元瑄以予嗜金石文手搨一本見貽考陳魯南商繼志不載續墓故表而出之

崇寧癸未獎諭敕書

崇寧二年五月

文

右崇寧癸未獎諭敕書其文云敕程節省廣西經畧司奏安化三州一鎮蠻賊結集八千餘人於地名卸甲嶺吳村蒙家寨等處作過黃忱等部領兵丁等二千九百九十餘人與賊鬪敵斫到五百四十八級陣亡一十八人賊兵大敗奪到孳畜器械三

萬餘數得功人乞推恩候敕旨事具悉蠻蜚跳梁為郡邑害維
 子信臣克奮威畧選用材武提兵格鬪斬首捕虜厥功著焉除
 惡靖民嘉乃之舉故茲獎諭想宜知悉春暄卿比平安好遣書
 指不多及凡十一行行十五字行書按宋史徽宗紀崇寧二年
 二月辛亥安化蠻入寇廣西經畧使程節敗之又蠻夷傳撫水
 州在宜州南大中祥符九年詔以撫水州為安化州崇寧二年
 其酋蒙光有者復嘯聚為寇經畧司遣將官黃忱等擊卻之即
 其事也宋時守臣監司有治績輒降敕獎諭其勒於石者不多
 見故錄之以存當日之式程節史不為立傳殆亦生事邀功之
 流歟

蕪湖縣學記

崇寧

右蕪湖縣學記米元章書自署無為守而不列官與宅碑式異

宋史元章傳稱年四十九卒而蔡肇撰墓誌云年五十七卒於
 淮陽郡齋其說互異予按元章跋晉謝安真蹟帖云余生年辛
 卯又有辛卯米芾四字小印則以仁宗皇祐三年生至哲宗元
 符二年己卯已四十九年矣如史所云印不及徽宗朝而元章
 却在徽廟時始以工書顯其知無為軍當在崇寧三年明年始
 擢禮部員外郎再出知淮陽而歿於官則墓誌云五十七者為
 不誤蓋其卒以大觀元年歲在丁亥也爰書此以糾史之謬

王祖道等題名

崇寧五年八月

右王祖道等題名大字正書在龍隱下巖其文云顯謨閣待制
 經畧安撫使王祖道若愚權發遣轉運判官公事張莊正民提
 舉常平等事索述宗理權發遣轉運判官公事陳邁亨伯崇寧
 五年八月十有九日游此祖道莊邁三人宋史俱有傳莊字正

民則史失之史稱莊由荆湖北路提點刑獄進龍圖閣直學士
廣南西路轉運副使據此刻則除轉運副使時尚未加學士也

張莊題名 大觀四年六月

右張莊題名文云轉運判官周元吉寵遷近部副使唐夢傳餞
別游此提舉學事戴質夫提舉常平陳芝道預焉大觀四年六
月十六日權知州事張莊正民題時自妙樂來從風嗣轉魁龍
隱以歸凡十行刻於會公巖洞口左壁宋史職官志提舉學事
司掌一路州縣學政崇寧二年置宣和三年罷據此刻知提舉
學事班在常平官之上也兵志大觀二年詔熙寧團集左右江
洞丁十餘萬衆自廣以西賴以防守今又二十萬衆來歸已令
張莊依左右江例相度聞奏志不言莊爲何官据此知其時權
知桂州也

范致明題名

政和元年

右范致明題名宋史禮志天禧初詔以大中祥符元年四月一
日天書再降內中功德闔爲天禧節尋以仁宗嫌名改爲天禧
節此題云天禧節後一日蓋四月二日也

韓城縣河瀆靈源王廟碑

政和二年正月

右韓城縣河瀆靈源王廟碑宋史禮志祀河瀆於河中府今蒲
州之永濟縣也大觀初韓城河水清詔遣尚書郎張勣徃祭卽
舊廟而修之廟在今韓城縣之東王村非河瀆之常祀也碑稱
洪河自大觀以來變濁爲清者畧有三焉乾寧保平率以累日
維二年冬見於同州之韓城郃陽其袤百里其久彌月今考五
行志祇載乾寧軍及同州二事不及保平蓋大觀政和之間郡
國言瑞者多志不能盡書然未久遂有五國城之禍粉飾太平

何益於國是哉碑未列名者直龍圖閣陝府西路轉運使陳邁
直龍圖閣轉運副使趙口轉運判官郭倫凡三人陳降授朝散
郎趙降授朝議大夫郭降授奉議郎皆列於銜此它碑所未有
宋史邁傳但云為河北轉運使加直龍圖閣從陝西不知其降
官之由也

神應王扁鵲廟記 政和四年

右神應王扁鵲廟記董作文康修立書考宋史文苑傳醫許希
以鍼愈仁宗疾拜賜已西向拜扁鵲曰不敢忘師也帝為封扁
鵲神應侯立祠城西其進封為王則史所不載

御筆付李邦彥詔 政和八年六月

右御筆付李邦彥詔予初得濟南本意當時刻石必不止一處
乙未夏按試韶州復得此本行款與濟南本不異又考景定建

康志知江寧府學亦嘗刻石今久亡矣詔所稱趙諗儲侔王
案劉昺皆崇寧大觀閒以惡逆坐誅者儲侔謂吳儲吳侔也宋
史徽宗紀大觀元年五月朝散郎吳儲承議郎吳侔坐與妖人
張懷素謀反伏誅李壁注王荆公詩引國史云舒州人張懷素
以幻術游公卿閒於元祐六年說朝散郎吳儲云公福似姚興
可為關中一國主儲云儲福弱豈能及姚興懷素云但說有志
不說福紹聖四年懷素入京又與儲結約儲以語侔崇寧四年
事敗獄成懷素吳儲吳侔並凌遲處斬卽其事也詔中但稱名
而不稱姓與趙諗諸人並列不知者必疑其人姓儲名侔矣此
亦代言者之失也

劉豫題蘇門山泉詩 宣和四年正月

右劉豫題蘇門山泉詩後有楷書題字六行漫漶不能讀其可

辨者有知府殿院劉公字蓋由殿中侍御史出知衛州也宋金二史豫傳皆云景州阜城人而石刻自題濟南劉豫其詩有云我居東秦濟水南無限泉池日親多是豫雖生景州實居濟南矣豫僭偽不足道然元遺山采其詩入中州集今觀其筆札政自不惡其知衛州亦史所未及載

高逸上人詩

宣和四年四月

右高逸上人二詩其一題云同雲叟道人季西弟宿祈澤寺晨起示以此詩其二云雲叟道人自夫子林驟款段先我而歸口占一詩戲之詩後不署名後有雲叟題稱自三茅還來觀高逸上人二詩乃知詩僧之號後又有趙孟遠題稱壁間得仲藏詩筆仲藏蓋高逸之字也孟遠名岫卽仁壽縣君之子以展墓到此後又有五言絕句一首亦不署名未審何人所作石刻在祈

澤寺所云夫子林者訪之山僧莫能言其所在矣

季季及梵仙詩

同上

右季季及梵仙詩前二首後題大觀戊子暮春季季季下著二點似是其人之字其詩云官南宮北添身累年去年來換鬢青何日歸來閑歲月掃山廬墓過餘齡則亦仕於朝者矣詩又有廬墓之語或卽趙孟遠之昆弟乎又一詩題云政和癸巳四月廿四日將去此趨闕自署梵仙亦不知其姓名也此與高逸上人詩碣書法皆俊爽並宣和中祈澤寺沙門道昇所刻葛寅亮金陵梵刹志所失載也

權那彥遊百門泉詩

宣和五年七月

右權那彥遊百門泉詩二篇其一和彥由殿院韻彥由者劉豫也宋金二史皆云豫字彥游此作彥由蓋取易由豫大有得之

義石刻當不誤矣邦彥以宣和二年使遼故詩有塞垣奔馳厭
長道之句其落句云暮歸穿邑驚市人應笑新邊二千石蓋其
時已除知易州尚未赴任也黃氏中州金石考失載劉權倡和
詩黃所錄多訪諸僚屬未能親至其地故結漏者不少

潛研堂金石文跋尾續卷第四

潛研堂金石文跋尾續卷第五

宋

嘉惠廟牒

紹興二年十一月

和

嘉定錢大昕

右嘉惠廟牒紹興二年江東轉運司奏建康府靈澤夫人祠祈
禱有應敕賜額嘉惠廟牒後宰執押字者四人自左而右曰尚
書左僕射同中書門下平章事者呂頤浩也曰尚書右僕射同
中書門下平章事者朱勝非也曰叅知政事孟者孟庠也曰簽
書樞密院事兼權叅知政事權邦彥也後九十四年寶慶
改元知上元縣趙時僑始以所賜敕黃刻於石記其事於下方
右妙喜泉銘張無垢撰後有宗杲說偈一首皆無垢書也宗杲
說法徑山無垢數與往來嘗論大學格物杲曰公祇知有格物

妙喜泉銘

紹興丁丑三月

不知有物格無垢言下有悟因題不動軒壁曰子韶格物妙喜
物格欲識一貫兩箇五百杲深許可秦檜恐其議已令司諫詹
大方論劾竄杲衡陽安置張於南安軍檜死乃復杲師號住四
明育王寺而張亦起知温州此泉正宗杲在育王所鑿也杲少
爲無盡居士張天覺所知名其庵曰妙喜遂以妙喜自號孝宗
嘗書妙喜庵三字賜之故茲泉亦有妙喜之目碑刻於唐范的
書常住田碑之陰

行在尚書戶部帖

乾道二年七月

右行在尚書戶部帖後題乾道二年七月十一日日上有印文
云尚書戶部右轡之印其後列銜者五人曰秘書省祕書郎兼
權沈曰員外郎韓曰侍郎曾曰侍郎方曰尚書方曾沈三人俱
有押字韓下注差字尚書下注闕字攷宋史職官志戶部郭分
左右轡此帖當是左轡所行細審篆文却是右轡字或摹刻者
之譌乎宋自南渡後諸轡尚書不常置此帖尚書亦闕員惟有
侍郎二人又有員外郎無郎中別有他官兼權者一人攷食貨
志是年曾懷爲戶部侍郎餘三人未能攷其名矣先是隆興元
年詔江浙寺院宮觀除天慶報恩寺觀係崇奉祖宗外其餘物
力與民間一例科敷至是台州崇道觀道士蔣允崇狀言本觀
建造徽宗本命寶殿朝拜崇奉並依天寧萬壽寺觀體例今天
寧萬壽改賜報恩光孝爲額已降指揮免非時科配乞依宣政
萬例蠲免科敷故有此帖石刻在天台之桐柏宮卽宋崇道觀
遺址也

白雲昌壽觀牒

乾道四年五月

右白雲昌壽觀牒牒尾押字者二人曰尚書右僕射同中書門

下平章事者蔣芾也日參知政事陳者陳俊卿也本崇道觀西之白雲庵以道士曹葆達領衆崇奉皇帝本命香火特賜今額王應麟玉海台州白雲庵乾道四年五月二十六日賜名白雲昌壽觀其後建本命殿賜名洪慶殿卽此觀也碑之下方刻尚書省劄付二道一爲乾道四年撥賜江州廬山田產事一爲乾道六年本觀道士石葆璋奏前撥賜江州田產三千餘畝往來收租費耗極大所得無幾欲望聖慈行下台州於沒官田產內兌撥一千五百畝奉聖旨依年月之下俱有花押前一行大書右劄付台州白雲昌壽觀十字與今時劄式大畧相似

皇子節度使魏王詔書

乾道七年二月

右皇子節度使魏王詔書石刻在企華寺魏王愷者孝宗之次子初封慶王莊文大

立之而進愷封魏王判寧國府加於江寧節度使保寧者婺州軍號也宋時節度使雖不之鎮當除拜日例有敕書諭本鎮官吏軍民僧道者壽等其式見於平園制稿當時刻於石者必不止一處予所收獨此爾

韶音洞記

淳熙四年十月

右韶音洞記張敬夫知靜江府日所作宋史本傳未詳到官年月攷朱文公所撰虞帝廟碑知敬夫以淳熙二年二月到官也敬夫貴公子篤志道學不欲以文藝見長然書法端方蘊藉望而知爲有道之士

平江府學御書閣碑

淳熙十六年

右平江府學御書閣碑淳熙末平江守臣趙彥操建閣以藏光

先御書詩書易春秋論語孝經孟子石刻而鄱陽洪文敏邁爲

文記之其結銜云敷文閣直學士宣奉大夫知太平州軍州事兼管內勸農營田使焯煌郡開國公食邑二千二百戶食實封貳伯戶宋史洪邁傳失書知太平州一節其封焯煌郡公史亦遺之易敦爲焯者避光宗嫌名其時光宗已受內禪矣文敏以博洽爲當時所稱而書法端整亦不減蔡忠惠此碑尤其得意之作石刻完好如新殊可喜也

龍圖梅公焯說 紹熙元年

右龍圖梅公焯說梅摯於景祐中知昭州作此說紹熙初新安朱晞顏刻於粵西龍隱巖併跋於後晞顏宋史無傳新安志但云休寧人隆興元年進士亦無事迹惟談鑰撰行狀敘其歷官甚詳蓋淳熙中由知吉州轉朝奉大夫除廣西轉運判官改直秘閣京西轉運判官紹熙四年進直煥章閣知靜江府慶元初召赴行在除軍器監尋除太府少卿淮東總領三年升太府卿四年遷權工部侍郎五年兼知臨安府轉大中大夫六年三月辭免四月卒此碑刻於任廣西轉運時其跋云予將漕來南行矣二年然則以淳熙十五年被轉運之命也

張釜游山七詠 慶元丙辰正月

右張釜游山七詠七詠者曾公洞棲霞洞龍隱洞訾家洲水月洞慈氏閣千山觀每題各一絕句丹楊張釜君量任廣西轉運日所作慶元初張改帥廣州其門下士維陽滑懋和仲以其手書鏡諸龍隱巖石隨齋者釜自號也攷宋史宰輔表嘉泰元年七月甲子張釜自禮部尚書除端明殿學士簽書樞密院事八月甲申罷在政府僅兩旬無事跡可見史但附其名於大父綱傳而歷官本末未之詳焉寧宗紀載慶元四年右諫議大夫張

金請下詔禁偽學五年劾劉光祖附和偽學及請窮治趙汝愚事今證以石刻乃知金以紹熙四年任廣西漕司慶元元年知廣州未幾召入為諫議也予視學嶺南見九曜石上亦有金題名字跡殊不惡然在諫垣與偽學之禁專與正人為仇雖風流好事奚足取乎金為量名故以君量表字宰輔編年錄作君亮誤

江西諸公題名 慶元戊午正月

右江西諸公題名十行行十五字其文云江西諸公仕於廣會桂林者十有八人慶元戊午正月八日集松關之翛然亭既而拏扁舟延緣過龍隱為水石更酌及暮登新橋以歸董山儀子羽王琨德貢熊思遜謙甫呂大信不約曾三畏無過武居仁榮叔王琳子林饒祖堯述字易翁劉龜習字汝明仲藻

魏璋廷圭劉正之子正余棟字臣治表趙善字取之損師撫聖從范行閱景騫喜而來與者趙彥緜仲止字畫縱逸似黃山谷未識何人筆也諸人姓名多不甚著祖堯即重刊元祐嘗籍者三趙皆宋宗室也

靈應廟牒 嘉泰二年二月

右靈應廟牒本嚴州分水縣崑山土地之神相傳姓方氏里俗呼通天大保慶元六年臣寮奏請乞行下諸路闕雨州縣於靈應神祠守令親行精禱果有驗效即具奏聞禮寺議封詔從之由是崑山土地神亦得賜廟額矣牒尾署押者三人其云右丞相不書姓者謝深甫也參知政事陳者陳自強也參知政事張者張巖也

忠烈廟碑 嘉定五年二月

右忠烈廟碑廟在江寧之治城祀晉卞忠貞公碑文胡邦衡所撰詞義正大凜然有生氣文成於紹興卅二年至嘉定四年樓大防始書而刻之元石已亾此爲明人重書筆法亦不惡周禮大宗伯以實柴祀日月星辰注故書實柴或爲賓柴此碑正作賓字從古文也忠簡子澥爲江東轉運判官本傳失載其名

古相思曲 嘉定八年二月

右古相思曲後題嘉定八年二月朔莆田方信孺書刻於韶音洞攷宋史本傳信孺自知韶州累遷淮東轉運判官兼提刑知真州不著除授之年予以韶州虞泉詩境二石刻證之知信孺以嘉定三年四年在韶州任又連州有信孺觀張魏公遺墨題記刻於五年十月其時尚在廣南又曾公巖有信孺餞別鍾大鳴題記刻於六年六月其時已到粵西此刻題嘉定八年蓋在

知韶州以後淮東轉運以前不知信孺當時居何職也

鄒應龍等題名 嘉定丁丑孟秋

右鄒應龍等題名文云嘉定丁丑立秋後五日昭武鄒應龍景初南海吳純臣德粹溫陵曾煥文卿同游凡七行刻於龍隱下巖應龍官至執政宋史爲立傳而失其里居據此可補本傳之闕但未審此時任何職爾

胡槻等題名 嘉定十四年季冬

右胡槻等題名文云右文殿修撰經畧安撫廬陵胡槻伯園提點刑獄吳興芮及言子及轉運判官括蒼沈實茂揚嘉定十四年季冬十有四日同游龍隱時茂揚已有星郎之命凡七行在龍隱下巖伯園忠簡公之家孫史附名忠簡傳末而不著其字其知靜江府亦史所未及宋制安撫使皆以守臣充廣南東西

路又加經畧字此題名不書知軍府事者以使職爲重也稱經畧安撫而不言使者宋時安撫使雖例以守臣兼領其資淺者但稱主管安撫司公事而不加使名胡殆主管經畧安撫公事而未正授者爾嘉定癸未十六年右重建建康府教授西廳記景定建康志天聖建學置教授一員紹興九年因左丞葉公奏照西京例增置一員分東西廳東廳在學之左西廳在學之右宋史職官志但載列郡各置教官而京學教授有三員畧不之及亦其疎也篆額者爲宣義鄜江南東路轉運司幹辦公事趙與勳攷宗室世系表未見與勳名惟秦王德芳九世孫有與勳或卽其人乎

右贈直龍圖閣曾文節公碑

嘉熙四年

右贈直龍圖閣曾文節公碑在粵西龍隱上巖題云有宋特贈正奉大夫直龍圖閣諡忠節曾公神道碑中大夫參知政事同提舉編修經武要畧同提舉編修勅令南充郡開國侯食邑一千六百戶食實封肆百戶賜紫金魚袋游侶撰攷宋史宰輔表嘉熙三年八月戊戌游侶自簽書樞密院事除參知政事四年閏十二月丙寅除知樞密院事則游公製文當在三年八月以後碑末題明年孟夏必是四年事矣曾三聘以嘉定三年十月卒越二年而葬墓本在江西嘉熙中其子宏正任廣西漕運判官以三聘嘗被廣西提刑之命因鑿是碑於巖石碑載三聘兼考功郎爲右正言黃艾論罷旋起知郢州中丞何澹論丞相汝愚不遵壽皇成法經論罷者未得祠乃徑與郡改主管武夷山冲祐觀秩滿再知郢州將奏事諫官陳自强等論三聘爲汝愚

腹心詔追兩官嘉泰元年皇子生復元秩久之予祠又久之差
知郴州改廣西提刑未赴改湖北力辭又主管冲祐觀卒年六
十有七較之本傳為詳游侶傳但云封南充縣伯進爵郡公中
間嘗進封縣侯史亦未之及侶稱其父為太師忠公而游仲鴻
傳亦不載贈太師事西嘉熙中其子志五封西嘉熙

寶慶元年正月

右鄭起沃題名凡道皆在高要縣之七星巖其一題莆陽鄭
起沃汝說以寶慶改元正月五日同來其一題寶慶丁亥二月
既望昔端守鄭起沃劭農於郊因訪星巖攷劉後村集有送鄭
端州起沃詩云海有沈珠戶巖無斲硯工他年循吏傳要雜古
人中今觀丁亥留題勸農愛民之意溢於行間後村推許為不

虛傳

右徐清叟等題名

嘉熙丁亥

翁繡使稽山黃自明明仲同游凡七行刻於曾公巖攷宋史清
叟嘗為集英殿修撰知靜江府廣西經畧安撫使宋時稱安撫
使為帥知府知州為守故有帥守之稱清叟應龍之子宋史有
傳而失其里居讀此刻乃知為建安人史稱清叟字真翁據石
刻乃是直字石刻之有裨於史學如此綉乃繡之俗體綉使未
知何官俟攷

右理宗道統十三贊

淳祐元年孟春

右理宗道統十三贊紹定三年製淳祐改元孟春謁先聖就賜
國子監宣示諸生前有庚寅御書印後有辛丑御書之寶印今
在杭州府學卽南宋之國子監十三贊者伏羲堯舜禹湯文王

武王周公孔子顏子曾子子思孟子玉海所謂淳祐聖賢十三贊也

白雲山慈聖院圓通殿記 淳祐四年仲冬

右白雲山慈聖院圓通殿記承議郎新權知邵武軍兼管內勸農事借緋樓扶撰併書少保觀文殿大學士醴泉觀使兼侍讀衛國公鄭清之篆額扶从木旁宣獻公鑰之孫延祐四明志載扶所撰鮑君廟碑周公謹絕妙好詞載扶水龍唵菩薩蠻二詞皆从手旁傳寫之謬也

桂州撤戍記 淳祐六年三月

右桂林撤戍記刻於龍隱下巖大畧言淳祐乙巳天子以蒙古侵大理預戒不虞詔京湖大制閫調兵戍廣以十月二十六日抵桂林邊境肅清警報不至次年春得旨撤戍以三月初十全

師言旋并列出師主兵官姓名文尚完好惟姓名多剝落攷其時孟珙爲京湖制置使宋史珙傳樞密調兵五千赴廣西珙移書執政言大理至邕數千里部落隔絕聞風調遣空費錢糧無補於事不聽卽其事也神勇軍勇信軍獅子崖義士軍湖南飛虎軍皆南渡後置不在禁廂兵之數宋史兵志畧不及之

天文圖地理圖帝王紹運圖 淳祐丁未仲冬

右天文地理帝王紹運三圖皆在蘇州府學其地理圖旁有東嘉王致遠跋語四行云右四圖兼山黃公爲嘉邸翊善日所進也致遠舊得此本於蜀司臬右浙因摹刻以永其傳攷宋史黃裳傳遷嘉王府翊善作八圖以獻曰太極曰三才本性曰皇帝王霸學術曰九流學術曰天文曰地理曰帝王紹運以百官終焉裳字文叔兼山蓋其自號致遠所刻四圖其一久失不知爲

何圖矣文叔劍州人故其圖流傳於蜀致遠為浙西提刑治吳中因刊石郡學也

邕州重建學記

淳祐辛亥春季

右邕州重建學記賓州軍事推官權邕州通判鄧容撰為教授梁應龍重建州學而作容與應龍蓋同年進士唐宋人重同年而年弟之稱見於石刻者惟此爾篆額出察推宋諱之手邕字當从以此从水紕繆之甚

陳塏采石磯詩

右陳塏采石磯詩後題門生儒林郎改差監提領江東淮東路茶鹽所都鹽倉兼檢視洪革立石今在采石之蛾眉亭竹君學士疑為元碑予按宋史塏字子爽嘉興人嘗為提領江淮茶鹽所兼知太平府革蓋其所辟故有門生之稱碑雖無年月以塏

歷官致之當在淳祐間矣職官志有提舉茶鹽司別無提領之名監當官兼檢視亦史所未載也

太白脫鞬圖

右太白脫鞬圖知太平州牟子才刻石有贊宋史子才在太平建李白祠自為記又寫力士脫鞬之狀為之贊而刻諸石屬有拓本遺董宋臣宋臣大怒持二碑泣懇於帝此碑即其一而祠記久不存矣碑在學宮牆傍明成化六年提學御史張敦移置集賢門內作亭覆之知府施奇記其事於左方其下又有康熙癸丑寇明允題字

山谷返櫂圖

右山谷返櫂圖亦牟子才所刻子才之孫應復元時為歸安縣尹承行省命督海漕至太平路題字左方子才以資政殿大學

士致仕史但稱學士其諡清忠亦史所未載也應復以重紀至元戊寅歲留題云於今八十三年則二圖以寶祐四年刻石矣

吳郡鄉舉題名

右吳郡鄉舉題名自紹興十年庚申至寶祐六年戊午凡四十四科吳郡志但有進士題名而鄉薦姓氏不及焉此碑文字完好南渡百餘年文獻賴以攷證而後來修志者畧不載入當時採訪諸君未免失其職矣龔明之中吳紀聞云姑蘇自祥符間定制科舉以四人爲額慶歷中就舉者止二百人范貫之作送錢正叔赴舉序已言四人之額視它藩爲最寡熙寧元豐間應舉者漸多增爲六人三舍旣行罷去科舉法歲貢四人舍法罷乃合三年之數爲十二人紹興丙子又增流寓一名今終場者幾二千人其額又不勝其窄矣今據題名紹興庚申甲子二科皆

十一名丙子以後每科十三名正與龔所記合唯紹興丁卯止四名後育空行當是年久遺落而庚午癸酉兩科各十六名不知又何說也郡所統五縣後又增嘉定一縣而嘉定竟無一人登鄉薦者蓋建邑伊始未漸詩書之澤故也碑在府學儀門外其陰爲元人刻唐學記易置向外而正面倚壁故見之者尠

逸老堂記

開慶元年七月

右逸老堂記在寧波城內月湖中央紹興十四年郡守莫將荆建以祀唐祕監賀公季真取李太白四明逸老賀知章之句爲堂名也開慶初郡守吳潛重建爲文記之碑末題觀文殿大學士銀青光祿大夫汾海制置大使判慶元軍府事兼管內勸農使金陵郡開國公食邑五千九百戶食實封一千七百戶吳潛記中散大夫直祕閣致仕歷陽縣開國男食邑三百戶賜紫金

魚袋張卽之書降朝散大夫直寶章閣祥符縣開國男食邑三百戶賜紫金魚袋趙汝楫篆額樛察書法爲當時推重此記乃晚年之筆神采秀勁無一弛懈真老斲輪手也

賀知章像贊

右賀知章像刻於逸老堂記之陰爲之贊者亦吳潛也其詞云粵惟二疏輔導漢元作其卽位旋以飄然粵惟先生師傅唐肅太陽未升去之已速前疏後賀夫豈異情蓋以兩疏比賀公又以疏之去在漢元卽位之日與賀異趣曾不思疏廣乞骸骨在宣帝時非元帝也潛以進士第一人登科竟未寓目班史耶

卞忠貞墓碣文

右卞忠貞墓碣文云晉尚書令假節領軍將軍贈侍中驃騎將軍成陽卞公墓凡兩行二十二字字徑五寸餘結構方嚴似顏

平原周吉甫金陵瑣事以爲宋龍圖閣直學士葉清臣書攷之曾肇碑記良然或云魯公書者非也蘇峻之平也朝議贈卞公左光祿大夫加散騎常侍尚書郎恒訥議宜加鼎司之號乃進贈驃騎將軍加侍中訥復固爭始改贈侍中驃騎將軍開府儀同三司晉制驃騎已下諸大將軍不開府者品秩第二開府位從公者品秩第一所謂位從公者儀同三司也此碣書贈官不及開府儀同三司是舍其大者而舉其輕者矣

衆樂亭詩

右衆樂亭詩石刻在寧波育賀祕監祠下截剝落失其刊刻歲月詩爲錢公輔首唱而王安石司馬光鄭獬邵必吳中復吳充馮浩和之最下有益柔二字可辨當是王益柔也君倚作詩在知明州日其後被召同知起居注乃邀諸公同作故鄭毅夫詩

有使君今作螭頭臣之句介甫嘗知鄞縣然不與君倚同時此亦同在起居注局所作也吳中復興國州人而自署渤海蓋舉其舊貫也諸作大率鋪敘燕游之盛不如溫公使君如獨樂泉庶必深嘆一聯得風人之致

姑孰帖

右姑孰帖宋人所刻石已散亾今存太平府學者惟卷第三第八第九數石而已第三爲東坡先生書洪容齋所刻其跋云東坡先生所書詩文十篇邁得之刻於當塗郡齋今合計詩偈表詞止六篇則已失其四矣第八第九皆放翁書而第八卷首題云放翁先生帖三第九卷首題云放翁先生帖四可知放翁之帖散佚更多卽其存者亦多不全竟未審何人所刻又有一石乃蘇子美書淳熙戊戌知州楊傑刻前半亦闕下其卷第也

俟和王沂中之子紹興二十七年壬十朋榜進士見咸淳臨安志

留忠宣帖

右留忠宣公三帖皆與曾無玷者第一帖云昨聞有臺屬之命攷咸淳毗陵志曾三復紹熙二年正月以朝散大夫知常州在任轉朝請大夫十一月改差御史臺檢法官帖所云十一月卽紹熙二年之十一月也第二帖題七月亦紹熙二年之七月其時三復正在常州此帖本在前帖之前宏父刻石失其次矣第三帖當在慶元元年其二比蒙恩渥復昇職名謂是年六月復留正觀文殿學士充醴泉觀使也三帖皆稱無玷爲年兄曾宏父亦云梁文靖乾道壬辰入相先君少師是年擢第與留忠宣俱爲同年然則留正與曾三復俱乾道八年

壬辰

進士而宋史

會三復傳云乾道六年進士留正傳云紹興十三年第進士皆
誤宋時進士三歲一舉紹興十三年癸亥乾道六年庚寅非貢
舉之歲也

華夷圖

偽齊阜昌七年十月

右華夷圖不著刻人名氏題云阜昌七年十月朔岐學上石蓋
劉豫時所刻其年十一月豫爲金人所廢阜昌之號終於此矣
唐貞元中宰相賈耽圖海內華夷廣三丈從三丈三尺以寸爲
百里斯圖蓋仿其製而方幅縮其什之九京府州軍之名皆用
宋制開封爲東京歸德爲南京大名爲北京惟河南不稱西京
未詳其故也碑云四方蕃夷之地賈魏公圖所載凡數百國今
取其著聞者載之又參考傳記以敘其盛衰本末至如西有沙
海諸國西北有奄蔡北有骨利幹東北有流鬼以其不通名貢
而無事於中國故畧而不載此亦見其去取之不苟矣

金

廣福院尚書禮部牒 大定七年八月

右廣福院尚書禮部牒其畧云澤州陽城縣海會院僧宗暉狀
告晉城縣周村社次西有舊下院佛堂一所自來別無名額已
納錢壹百貫乞立廣福院勸會是實奉敕可特賜廣福院准收
故牒大定三年十一月初六日月日之下有令史主事二人押
牒後列銜五行曰奉議大夫行太常博士權員外郎劉日中散
大夫行員外郎李日宣威將軍郎中耶律日倚郎日中奉大夫
禮部尚書兼翰林學士承旨知制誥修國史王其署押者惟員
外郎劉一人攷其時任尚書者彰德王競無競郎中以下名字
不可攷矣侍郎不書姓者關員也凡寺院賜額宋初由中書門

曾三復傳云乾道六年進士留正傳云紹興十三年第進士皆
謝宋時進士三歲一舉紹興十三年癸亥乾道六年庚寅非貢
舉之歲也

華夷圖 傳齊阜昌七年十月

石華夷圖不著刻人名氏題云阜昌七年十月朔岐學上石蓋
劉豫時所刻其年十一月豫為金人所廢阜昌之號終於此矣
唐貞元中宰相賈耽圖海內華夷廣三丈從三丈三尺以寸為
百里斯圖蓋仿其製而方幅縮其什之九京府州軍之名皆用
宋制開封為東京歸德為南京大名為北京惟河南不稱西京
不詳其故也碑云四方蕃夷之地賈魏公圖所載凡數百國今
取其著聞者載之又參考傳記以敘其盛衰本末至如西有沙
而無津依中國地畧而不建此亦其有連及不盡矣地名貢

潛研堂金石文跋尾續卷第六



嘉定錢大昕

金

廣福院尚書禮部牒 大定七年八月

右廣福院尚書禮部牒其畧云澤州陽城縣海會院僧宗暉狀
告晉城縣周村社次西有舊下院佛堂一所自來別無名額已
納錢壹百貫乞立廣福院勘會是實奉敕可特賜廣福院准敕
故牒大定三年十一月初六日月日之下有令史主事二人押
牒後列銜五行曰奉議大夫行太常博士權員外郎劉曰中散
大夫行員外郎李曰宣威將軍郎中耶律曰侍郎曰中奉大夫
禮部尚書兼翰林學士承旨知制誥修國史王其署押者惟員
外郎劉一人攷其時任尚書者彰德王競無競郎中以下名字
不可攷矣侍郎不書姓者闕員也凡寺院賜額宋初由中書門

下給牒元豐改官制以後由尚書省給牒皆宰執親押字金剛
僅委之禮部而尚書侍郎並不書押惟郎官一人押行而已但
宋時寺院皆由守臣陳請方得賜額金剛納錢百貫便可得之
蓋朝廷視之益輕而禮數亦替矣
蓮峯真逸二絕句
右蓮峯真逸與慶池李氏園二絕句喬君名辰字君章洪洞人
元裕之中州集稱其詩樂府俱有名狀所錄詩止一篇又不著
其歷官本末據此刻知喬君官至大理丞正隆之亂丞蒲邑保
全一城可補中州集之闕矣喬德容嘗為京兆戶曹中州集亦
未載戊申蓋大定紀元之二十八年上休猶言上泚也申天祿
時為長安令

許古題名

永安五年閏月

石許古題名四行行書文云永安五年閏月廿五日同張君玉
吳壽夫來游遂與寂公無二登鳳皇山周覽青蓮之勝鈞幕河
間許古道真題在澤州青蓮寺石柱之側青蓮為硤石古刹石
柱周遭宋金人題刻殆徧予惟得其一爾鈞幕者鈞州幕職古
登第後嘗為之而金史本傳失書姚半塘云古父安仁於明昌
中嘗守澤州張君玉吳壽夫疑即進士張天祐吳芝之字皆其
父所與遊者寂公謂僧寶寂也

硤石山福嚴禪院記

泰和六年正月

右硤石山福嚴禪院記奉政大夫中都西京等路按察副使郭
僕篆額奉政大夫澤州刺史兼軍州事楊庭秀撰併書凡碑刻
篆額人例在撰書者之次僕官階與庭秀相埒且係部民乃列
於庭秀前者記為庭秀自書謙不欲先人也記云近年澤守許

安仁子靜李仲畧簡之皆一時文士許李二人金史皆有傳而庭秀亦有詩名書法方整規樞顏魯公足徵金時澤守之得人也記又云承光二年周武帝集沙門於殿庭宣廢佛教按承光齊幼主年號紀元甫一年而爲周所滅承光無二年也齊滅而地入於周當以周建德紀年不當更稱承光矣史載周武帝建德三年初斷佛道二教沙門道士並令還俗其時寺在齊境無由禁斷及滅齊之後甫踰年而武帝卽世此禁遂弛故僧寺佛像之在齊境者皆得不毀而緇流好事者以爲遠公之力殊未足信

重修府學教養碑 正大二年十二月

右重修府學教養碑在西安府學其云行省參政金源完顏郡公者完顏合達也金史哀宗紀正大元年三月以延安帥臣完

顏合達戰禦有功授金虎符參知政事行尚書省事於京兆合達傳則云元光元年正月遷元帥左監軍權參知政事行省事於京兆未幾真拜年月互異要當以本紀爲正傳不云封金源郡公蓋史文之漏也書石者爲奉天楊煥卽元史之楊奐說文無煥字徐氏新附有之煥乃奐之俗體非異文

元

何瑋祭張飛卿文 至元十四年三月

右何瑋祭張飛卿文其序云至元甲戌歲王師濟江由金陵趨餘杭千戶計議中書省事秦中張公羽字飛卿者志士也憐無辜之人困於鋒鏑將先見其國君爲陳禍福慨朕請行道經平江遇害丁丑三月與西京李才卿南宮張孝先來登蛾眉亭撫江山之絕景懷張公之高節乃刲羊釀酒相與招魂而祭之碑

未題昭勇大將軍戶部尚書行淮東淮西都轉運使司事何而不名予攷元史何瑋傳至元十一年伯顏受命伐宋辟瑋爲帳前都鎮撫授武德將軍管軍總管宋旣平進懷遠大將軍太平路軍民達魯花赤俄陞昭勇大將軍行戶部尚書兩淮都轉運使與此碑結銜正合則祭文爲瑋所撰無疑碑立於采石之蛾眉亭其時已遷轉運尚在太平也張孝先者當塗縣尹碑亦不書其名李才卿則未知其任何職矣飛卿使宋遇害史不爲立傳僅於世祖紀伯顏傳兩見其名讀此碑乃知爲秦中人又知其字石刻之有益於史學如此

寶積寺鐘銘

戊寅五月

右寶積寺鐘銘首云翠山寶積移忠資福禪寺以戊寅夏五朔旦修治洪鐘菩薩戒弟子曹說爲之銘其後列名者有沿海制

置司兼知慶元府趙孟傳朝散大夫張倬恭人史氏百九八娘將仕郎張初倩安人鄭氏再三十娘安人張氏重十一娘安人周氏淨堅及耆舊頭首知事住持僧各若干人戊寅者至元十五年宋已亡矣而孟傳猶書故官蓋其時浙東初入版圖仍以元官授之至洪模王剛中莅任乃有總管之稱也翠山寺在鄞縣東七十里初名寶積禪院宋嘉泰四年張參政孝伯請爲功德寺乃賜移忠資福寺額此鐘本翠山物不知何時移於延慶寺明季延慶僧傳燈修寺志亦不載予在四明游斯寺見其形製有異募工搨而藏之

澤州長官段直墓碑

至元廿七年二月

右澤州長官段直墓碑元史良吏有段直傳所書事蹟與碑畧同靜修一代名儒其文非苟作故史臣采入正史乃本傳所敘

年代與碑大相刺謬碑云甲戌之秋南北分裂河北河東山東郡縣盡廢甲戌者元太祖之九年金貞祐二年也是歲元兵圍中都宣宗遷汴故有南北分裂之語而史改云至元十一年河北河東山東盜賊充斥以其歲亦在甲戌也會不思至元之初境內寧謐河北諸路安有盜賊充斥之患乎碑又云天子命太師以王爵領諸將來畧地公遂以衆歸之謂太師國王木華黎承制時也而史乃云世祖命大將畧地晉城曾不思世祖時晉城久入版圖又安有命將畧地之事乎碑作於世祖朝其文云今上在潛邸命提舉木州學校未拜而卒然則段長官蓋卒於憲宗朝未嘗事世祖矣蓋山史臣不學誤切甲戌爲至元之甲戌相差一甲子而不悟也直年六十有五子紹隆嗣官至臺州知州皆本傳所失書碑云國初凡守親王分地者一子當備宿

衛此亦元之典故而史畧不及之

慶元路重建學記

至元二十九年十月

右慶元路重建學記王伯厚撰自署前進士而不書官距德祐丙子宋亡已十有七年矣碑尚在寧波府學浙東宣慰副使李思衍書適美似徐季海鄞縣學亦有厚齋碑其文見於延祐四明志而石刻久不存

觀世音菩薩傳畧

大德丙午三月

右觀世音菩薩傳畧後題吳興弟子管氏齋沐焚香拜書疑卽趙松雪夫人管道昇也下方爲觀世音像石刻在江寧城內石橋左所葺地藏庵內巖生子進搨以遺予予少讀北史王劭傳云文獻皇后崩劭上言大行皇后聖德仁慈福善禎符備諸祕記皆云是妙善菩薩不解所謂讀此傳乃知妙善卽觀音之名

耳

徽州路儒學旨揮 至大三年四月

右徽州路儒學旨揮二道刻於加封孔子詔書之下方其一云承奉江浙等處行尚書省劄付該准尚書省咨至大二年十二月十九日太保三寶奴丞相奏在先孔夫子漢兒帝王雖是封贈了不會起立碑石來如今各處行與文字封贈了於瞻學地土子粒內交立碑石呵今後學本事的人肯用心也者奏呵奉聖旨是有那般者欽此照得先據御史臺呈亦爲此事已經遍行去訖咨請欽依施行云云按元史武宗紀大德十一年七月辛巳加封至聖文宣王爲大成至聖文宣王其立碑則紀所未載三寶奴元史無傳其拜太保年月紀亦失之三公表書於至大三年以此碑以之則二年之冬已爲太保矣碑在績溪縣學

加封詔書石刻所在多有而尚書省咨獨見於此

四川道廉訪使梁天翔碑 延祐二年七月

右四川道肅政廉訪使梁天翔碑趙文敏書在平遙縣梁官村梁氏仕元多顯者天翔父瑛以戊寅歲率衆詣太師國王降授元帥左監軍以功陞征行都元帥己丑改官制授金符御前千戶乙未從元帥塔海甘不入蜀權征行萬戶鎮興元戊戌從塔海圍資州踰月始下塔海欲坑之瑛曰今始得一城而坑之它城未易下也乃止壬寅宋人陷成都瑛與先鋒禿薛擒其制置陳隆之成都平丁未詔充西京平陽太原京兆延安五路萬戶治太原稽其動伐亦史天倪劉黑馬之亞也而元史不爲瑛立傳故畧敘所聞以諗讀史者夫丈夫冒白刃立功名生膺高爵蔭及子孫又能以一言止主帥之殺其所成就亦卓卓矣而史

家失於采訪名且湮沒不彰然則予之敝精勞神於金石文而不悔者古人可作或亦有樂乎此也

海寧寺鐘銘

延祐四年十月

右海寧寺鐘銘延祐四年崑山州知州王安貞屬翰林國史院編修官章嘉爲之銘攷元史仁宗皇慶二年十月徙崑山州治於太倉故銘有新城之目寺有鐵鐘久矣至安貞始范銅易之周遭列出錢人姓名其首行云造寺故大檀越資德大夫大司農河南江北等處行中書省左丞相公朱君夫人却氏胡氏所云左丞朱君者謂朱清也左丞宰相之貳故得相公之稱此外又有稱相公者數人則海道運糧萬戶及都水監也下此有稱總管者有稱承務者則相公之稱雖濫尚不槩及下僚矣明孝宗時析太倉置州移寺鐘於州治之鐘樓

太上感應篇附注

泰定甲子

右太上感應篇附注錢唐陳堅君實所編仇遠爲跋泰定甲子上元繡梓而嗣子從仁復刊石於湖山堂蓋在至正中借石刻漫漶不能辨其何年月也吾友惠徵士定宇言此篇卽抱朴子所述漢世道戒如三台北斗司命竈神之屬證諸經傳無不契合非後人所能假託然隋經籍唐藝文志皆無之宋藝文志始有李昌齡感應篇一卷此書之傳蓋自李始矣據仇山村跋則宋時有李善齋先生注其後鄭相安晚湯侯北村徐公博雅輯而爲贊衍而爲解韻而爲詩今惟鄭清之書載於道藏餘無聞焉陳氏附注詞雖淺近而無俚鄙不經之談懸諸座右可爲日省之助

浙東道宣慰使答里麻世禮墓誌

泰定元年二月

右浙東道宣慰使答里麻世禮墓誌其先畏吾人家於關中父忽倫察官宣慰使答里麻世禮少侍成宗至大元年僉河北道廉訪司事三年調浙西道四年召爲刑部郎中皇慶改元升本部侍郎延祐七年升本部尚書至治改元出爲浙東道宣慰司都元帥行次揚州卒四明續志不列其名以其未到任也錢唐趙晉齋游秦中搨其文貽予攷前人未有著錄者因撫其大畧書之

加封孔子父母及夫人并官氏詔 至順二年六月

右加封詔二道其一加封齊國公叔梁紇爲啓聖王魯國太夫人顏氏爲啓聖王夫人詔其一特封大成至聖文宣王妻并官氏爲大成至聖文宣王夫人詔也元史文宗紀及祭祀志祇載加封啓聖王及夫人而不及并官氏之封史文之闕也加封事

在至順元年二月戊申碑書至順二年六月蓋立石之年月也家語孔子年十九娶於宋丁官氏之女今攷漢韓勅禮器碑本作并官宋祥符追封及此詔亦皆作并官文字明白可證家語傳寫之誤廣韻引魯先賢傳孔子妻并官氏今本亦誤爲元蓋流俗相傳失其本真惟石刻出於千載以前者信而有徵也

辟邪鐘題字 至元二年十二月

右辟邪鐘題字在鍾山靈谷寺元順帝重紀至元之二年能仁寺僧所鑄銃于鉦甬之式皆仿古製鐘乳三十六枚與鄭康成說合其款題周辟邪鐘四篆字世人未解辟邪之義予按攷工記鍾縣謂之旋旋蟲謂之幹旋蟲者旋以蟲爲飾也康成謂今時旋有蹲熊盤龍辟邪辟邪獸名此鐘蓋依周攷工之製而旋蟲作辟邪形因以爲名僧雜妄稱爲景陽鐘殊可笑也能仁寺

本在城內卽昇元故址洪武中始移建聚寶門外鐘之移於靈谷其在此時乎

四明祖庭世統題名記 至元四年

右四明祖庭世統題名記在寧波城內南湖延慶寺記文天台鄉貢進士胡世佐撰并篆書題名第一列中爲大師釋迦牟尼世尊左列摩訶迦葉至龍樹尊者凡十二世右列龍樹至義通稱十六祖第二列右爲始祖法智尊者知禮大師左爲翼祖延慶異聞法師第三列以下皆法智之後嗣也題名皆正書白文惟法智異聞二人及後來嗣主祖庭者五十餘人墨文碑爲法智第九世孫本無所立以嗣席之次數之則爲四十九代矣我庵其自號也龍樹之教流於中土北齊慧元以宿悟已證立爲觀法以授南岳慧思思授天台智顛是爲天台宗顛授章安灌

頂頂授法華智威威授天宮慧威慧威授左溪元朗助授荆谿湛然自龍樹至荆谿教宗所謂九祖也荆谿傳興道道邃傳至行廣脩脩傳正定物外外傳妙說元琇琇傳高論清竦竦傳螺溪義寂寂傳寶雲義通傳四明法智而其教復盛故四明之學者欲以興道至四明八世續九祖爲十七祖此亦門戶之私見爾黃魯直謂庵字非古常用巷字予謂菴庵皆說文所無未見菴古而庵俗也世佐書庵作盦取覆蓋之義較爲近之

右句容縣學大樂禮器碑 至元六年五月

御史臺監察御史趙承禧撰文紀達魯花赤丑驢教諭劉德秀造先師廟禮樂器之事書丹者江南行御史臺管勾曹復亨篆額者江南行御史臺都事姚紱也承禧字宗吉其登科年分未

詳古本南... 重修清源廟碑 至正二年三月... 右重修清源廟碑清源廟祀蜀灌口神俗所稱二郎神也梓潼灌口射洪三神祠皆盛於宋時晁氏讀書志有蜀三神祠碑文五卷并虔任四川漕日裒集成書當時崇奉之盛如此碑稱神始祠於灌口由漢迄唐宋初侯終王增號於延祐改封於天歷聖天子嗣位又詔加護國於舊號之上攷元史天歷二年正月加封秦蜀郡太守李冰為聖德廣裕英惠王其子二郎神為英烈昭惠靈顯仁祐王若延祐增號及順帝時加護國字則史所未載蓋元史諸帝紀不出於一人之手或詳或畧無一定之例也碑在江寧城外雨花臺之左其地名二郎崗蓋以廟得名今廟改祀三茅君祠為延祐二年移入城內矣

重建達奚將軍廟碑

至正二年五月

右重建達奚將軍廟碑在句容縣城南將軍名字事迹無可攷碑稱殿東楹貼幅楮數字可辨云梁承聖初洪遜為國子祭酒似洪遜卽將軍之名予攷南史周宏讓傳承聖初為國子祭酒二年為仁威將軍城句容以居之命曰仁威壘今達奚廟正在仁威故壘宋人避諱往往改宏為洪讓為遜殿楹帖必宋人所題洪遜卽宏讓耳於達奚何與哉碑又稱世傳將軍南來時與沈襄王戰死於縣西之華墓岡環廟之地卽將軍甲城所云沈襄王者不知何人疑是沈法興也

碑陰

右碑陰建廟施財題名有瓦甍廟宇字甍當與甍同義字書所未載也

覺苑寺興造記 至正三年三月

右覺苑寺興造記蘄州路總管趙質翁撰紹興路總管秦不華題額松江府推官趙宜浩書兼善題額列於宜浩之前蓋以官資之崇卑為序碑皆正書獨兼善結銜一行八分書介於撰書者之間宅碑所罕有也此記本刻於熙寧大悲閣碑之陰不知何時嵌入牆壁轉易向外而沈碑乃在幽闇之處矣

慶元路總管王元恭去思碑 至正三年十一月

右慶元路總管王元恭去思碑在寧波府學趙轉運書俊爽似鷗波承旨朱教授文亦質實無溢美元恭在任修四明續志簡而有法與袁學士四明志並傳而碑不及之何耶碑末列名有訓導王厚孫齋長王寧孫皆深寧居士諸條

廬江縣禁鐘題字 至正十年十月

右廬江縣禁鐘題字其書廬為廬今時俚俗簿帳小說往往以此字此鐘為縣尹張居敬所鑄達魯花赤普顏不花以下及進士列名者十餘人而用俚鄙無稽之字足供一噱狀亦可見俗字之有本也

餘姚州儒學覈田記 至正十一年十一月

右餘姚州儒學覈田記至正九年大梁郭文煜知餘姚州到官謁孔子廟耆老言縣故有田贍學歲久弊滋廩入不足乃擇儒士之公廉者分歷諸鄉按籍復舊又開元孝義二鄉有海漲塗田亭民久專其利文煜遣吏疆理之得二百四十一畝悉歸之學又有史華甫者捐田五十二畝由是養士有資甬東孫元蒙為文記之州判官傅常書諸石常自署賜同進士出身未詳登科年分

杭州路重建廟學碑 至正十五年

右杭州路重建廟學碑江泐儒學提舉王大本撰文爲杭州路總管帖木列思重建元聖廟學而作帖木列思姓康里氏字周賢故平章軍國事追封東平王之孫陝西行中書省平章政事忠定公之子東平王者不忽木也忠定公者回回也回回諡忠定不見於元史宋濂撰神道碑亦未之及康里慶童元史有傳不言其能書此碑秀整殊有巉巖承旨之風碑末題月日上俱有空文

慶元路儒學興修記 至正二十一年十二月

右慶元路儒學興修記温州路總管劉仁本撰并書江浙行省叅知政事周伯琦篆額方國珍倡亂海上屢降輒叛其據慶元在何年元史無明文碑云公以至正十八年領節鉞來鎮四明

可補史文之闕至正二十一年加國珍司徒亦元明二史所未載也迺賢本葛邏祿氏從其兄宦游江浙卜居於鄞碑遂寘諸耆儒之列

